

四庫全書

集部

欽定四庫全書

集部

五百家注昌黎文集卷二十四

詳校官通政使_臣夢吉

檢討_臣何思鈞覆勘

總校官檢討_臣何思鈞

校對官主事_臣陳墉

謄錄監生_臣左詢

欽定四庫全書

五百家注昌黎文集卷二十四

宋 魏仲舉 編

銘

唐故太子校書李公墓誌銘

韓曰按今石刻首題云韓愈撰段李展書其
後題云十一年十二月建立疑立石在葬後
石本與所刊本異者詳注于
下今本止題云李元賓墓誌

李觀字元賓其先隴西人

石本有也字

始來自江之東食太

學之祿

石本無上五字

年二十四舉進士三年登上第

樊曰貞元八年

也

又舉博學宏辭得太子校書又一年年二十九

樊曰貞元

十年也嚴曰元賓二十四舉進士三年登上第貞元八年二十七也二十九死於京師貞元十年也

客死

於京師

於一作于

既斂三日

石本斂下有之字

其友人博陵崔弘禮

賣馬葬之于國東門之外七里

孫曰弘禮字從周博陵人○石本無賣馬二字

鄉曰某鄉原曰某原

一作某鄉某原石本鄉曰慶義原曰萬原

友人昌黎韓

愈書石以誌之其辭曰

已乎元賓

石本乎字作序

壽也者吾不知其所慕夭也者吾不

知其所惡生而不淑孰為之壽

石本為之作
謂其下同

死而不朽

孰為之天已乎元賓文高乎當世

樊曰本傳云觀屬文
不旁公前人時謂與

愈相上下及觀少天而愈後文益工議者以觀文未極
愈老不休故卒擅名陸希聲以為觀尚辭故辭勝愈尚

質故理勝雖愈窮老不能加觀之辭觀後
愈死亦不能逮愈之質○石本文作才行過乎古人

石本過作出又有
已乎元賓四字

竟何為哉竟何為哉

補注聞見錄云
石本作意何為

哉竟何為哉
石本之語妙

宣武軍觀察巡官試大理評事博陵崔公墓誌

銘

今本止題云崔
評事墓誌銘

君諱翰字叔清博陵安平人曾大父知道仕至大理司
直大父玄同為刑部侍郎出刺徐相州父倚舉進士天
寶之亂隱居而終君既喪厥父攜扶孤老託于大江之
南卒喪通儒書作五字句詩敦行孝弟詆諧縱譎一有處世

二字一有
卓說二字

不羈又善飲酒江南人士多從之遊貞元八

年君生四十七年矣

孫曰時年
四十八

自江南應節度使王栖

曜命于鄜州

祝曰鄜州漢之鄜縣隋改為州孫曰貞元
四年正月以左龍武大將軍王栖曜為鄜

州刺史鄜坊丹延節度使既至表授右衛曹參軍實參幕府事直

道正言補益尤多

尤一作弘

既去職遂家于汝州刺史吳郡

陸長源

樊曰長源字泳之

引為防禦判官表授大理評事十二

年相國隴西公作藩汴州而吳郡為軍司馬

孫曰貞元十二年七

月以董晉為宣武軍節度使八月長源自汝州授檢校禮部尚書充宣武軍行軍司馬隴西公即晉也隴

西公以為吳郡之從

一作從事

則賢也署為觀察巡官實掌

軍田鑿澮溝斬茭茆

茆一作茅

為陸田十二百頃

一無字水田

二千頃

一作三百頃一作五百頃

連歲大饗軍食以饒幕府以其功

狀聞使者未復命以十五年正月五日寢疾終于家

樊曰

翰正月卒其後二月三日晉薨公從晉喪出汴四日而汴軍亂司馬陸長源以下凡從事之在汴者皆遇害則翰之死非不幸也年五十有六矣嚴曰按崔翰銘前言貞元八年君生四十七年矣後言以

十五年正月五日終于家年五十有六若以八年隴西為四十七則十五年才五十四耳其字必有誤

公賻贈有加自始有疾吳郡率幕府寮屬日一至其廬

問焉其既甚也日再往問焉其終也往哭焉比小斂大

斂三哭焉於斂之二十日其妻與其子以君之喪旋葬

于汝州其二月某日遂葬于某縣某鄉某原君內仁九

族外盡賓客於其所止其來如歸苟親矣雖不肖收之

如賢

收一作視

苟賢矣雖貧賤待之如貴人是故其歿也其

弔者與其哭者其聲也必哀盡焉妻鄭氏也有子二人

女一人吾聞位不稱德者有後

者下一有其終二字

嗚呼君其終

有後乎銘曰

朝之言嘻嘻

韓曰嘻嘻和樂聲○嘻嘻基切

夕之言怡怡偕入而出

樊曰

公與翰同佐晉于汴州翰為觀察巡官公為推官

乘馬而馳一日不見而死吁

其可悲

施先生墓銘

祝曰施先生
名士丐吳人

貞元十八年十月十一日太學博士施先生士丐卒其

寮

樊曰同
官曰寮

太原郭伋買石誌其墓昌黎韓愈為之辭曰

補注公時為四門博士亦士丐同僚也

先生明毛鄭詩通春秋左氏傳善

講說

樊曰劉公嘉話拾遺言予嘗與柳八韓十八詣施士丐聽毛詩說維鵜在梁梁人取魚梁也言鵜自

合求魚不合於人梁上取其魚譬之人自無善事攘人之美者如鵜在人梁上焉則毛注失之矣又說山無草木曰岵所以言涉彼岵兮無可岵也以其無草木故以譬之又說甘棠勿剪勿拜召伯所憩拜言人心之拜小

低屈也上言勿翦終言勿拜明召伯漸遠人思不忘也
毛注拜猶伐非也又說維北有斗不可挹酒漿言不得
其人也毛都不注此新史云士丐撰春秋傳未甚傳後
文宗喜經術宰相李石因言士丐春秋可讀文宗曰朕
見之矣穿鑿之學徒為異同但學者如浚井
得美水而已何必勞苦旁求然後為得耶

朝之賢士

大夫從而執經考疑者繼往于門太學生習毛鄭詩

春秋左氏傳者皆其弟子貴游之子弟時先生之說二

經

孫曰時謂伺也

來太學怡怡然坐諸生下恐不卒得聞先生

死二經生喪其師仕於學者亡其朋故自賢士大夫老

師宿儒新進小生聞先生之死哭泣相弔歸衣服貨財

先生年六十九在太學者十九年由四門助教為太學

助教由助教為太學博士

一云由四門助教為博士太學

秩滿當去諸

生輒拜疏乞留

一有或乞遷三字

或留或遷凡十九年不離太

學

離一作

祖曰旭袁州宜春尉父曰姥

且略切

濠州定遠丞

妻曰太原王氏先生卒子曰友直明州鄞縣主簿

祝曰

鄞縣名前漢云投鄞鄞二縣長韓曰鄞縣會稽縣。鄞莫侯切一作鄞

曰友諒太廟齋郎

系曰

先生之祖氏自施父

孫曰施父魯大夫見桓九年左氏

其後施常事孔

子以彰

孫曰史記弟子列傳施之常字子栢○一無施字

讐為博士

孫曰漢書儒林傳施

讐字長卿宣帝時為博士

延為太尉

孫曰延字君子順帝陽嘉二年八月為太尉四年四月罷

太

尉之孫始為吳人曰然曰績

孫曰吳志朱然字義封本姓施氏然子績字公緒

亦載其跡先生之興公車是召纂序前聞于光有曜古

聖人言其旨密微箋注紛羅顛倒是非聞先生講論如

客得歸卑讓眈眈

祝曰字當作眈眈誠也中庸眈眈其仁鄭氏注云眈眈讀如誨尔諄諄

誠兒韓曰眈目也○眈朱倫切

出言孔揚今其死矣誰嗣其宗縣曰萬

年原曰神禾高四尺者

樊曰檀弓孔子曰吾聞之古者墓而不墳今丘也東西南北之

人也不可以弗識
於是封之崇四尺
先生墓耶

考功負外盧君墓表

一本負外下有
郎字表作銘字

愈之宗兄故起居舍人君

樊曰柳子厚先友記云韓會昌黎人善清言有文章名最

高然以故多謗至起居郎貶官卒則以道德文學伏一

世其友四人其一范陽盧君東美少未出仕皆在江淮

間天下大夫士謂之四夔

韓曰永泰中會與盧東美張正則崔造為友好談經濟之

畧嘗以王佐自許時人號為四夔舊史載於崔造傳新史亦具載之而撫言乃以何長師李華盧東美韓衛為

四夔
非是

其義以為道可與古之臯夔者侔故云爾或曰夔

嘗為相世謂相夔

謂一作為

四人雖處而未仕天下許以為

相故云大歷初御史大夫李栖筠由工部侍郎為浙西

觀察使

孫曰大歷三年二月以栖筠為浙西觀察使栖筠奏東美造為從事

當是時中國

新去亂仕多避處江淮間

仕一作士

嘗為顯官得名聲以老

故自任者以千百數大夫莫之取獨晨衣朝服從騎吏

入下里舍請盧君君時始任戴冠通詩書與其羣日講

說周公孔子以相磨礱浸灌婆娑嬉遊未有捨所為為

人意既起從大夫天下未知君者惟奇大夫之取人也
不常必得人其知君者謂君之從人也非其常守必得
其從其後為太常博士監察御史河南府司錄考功員
外郎年五十四而終

孫曰貞元中卒
一作年若干而終

在官舉其職夫

人李姓隴西人作配君子

一云君在
配君子

無違德君歿訓子

女甚得母道

一作得
母道甚

後君二十年

或作十
二年

年六十六而

終將合葬其子暢命其孫立曰乃祖德烈靡不聞然其
詳而信者宜莫若吾先人之友先人之友無在者起居

又有季曰愈又一能為古文業其家是必能道吾父之

事業

一無之字

汝其往請銘焉

其一作既

立於是奉其父命奔走

來告愈謂立曰子來宜也行不可一二舉且吾之生也

後不與而祖接不得其詳也其大者莫若衆所與觀所

與衆寡茲可以審其德矣乃祖未出而處也天下之士

一有大夫二字以為與古之臯夔者侔且可以為相其德不既

大矣乎講說周公孔子樂其道不樂從事於俗得所從

不釋外內

釋一作

奮而起其進退不既合於義乎銘如是

可以示於今與後也歟立拜手曰唯唯君祖子與濮州
濮陽令父同舒州望江令夫人之祖延宗鄆州司馬父
進成鄆州洛交令男三人暢申易女三人皆嫁為士人
妻

一無
人字

墓在河南某縣某原

一作河南緱氏縣梁國之
原又有其年月日四字。

緱
溝

音

元和二年二月十日云

施州房武使君妻鄭夫人殯表

韓曰房使君武也時公為江陵
法曹而作今本無武字妻字

夫人之先出於周以鄭為氏因初侯

樊曰周厲王少子
友封於鄭是為成

公其地華州鄭縣是也後世以國為氏

曾祖諱隨祖諱玠厥考諱絳

絳一作終

咸垂休歸于房宗生九子

樊曰夫人嫁房武有男六人次卿次公次膺次回次衡次

元女三人

左右黍稷祠春秋道順德嚴顯且裕宜壽而貴今

何謬

綢繆平聲謬庚去聲今何謂謬庚也叶韻作平聲

永貞冬至前四日

孫曰貞元

二十一年八月改元為永貞

寓殯墳此非其丘

樊曰武為施州刺史夫人卒殯于江陵元

和六年正月次公自江陵奉其喪與武合葬河南

宣武軍節度押衙左廂兵馬使兼馬軍先鋒兵

馬使上柱國清邊郡王楊燕奇碑文

今本止題云清邊
郡王楊燕奇碑文

公諱燕字燕奇弘農華陰人也大父知古祁州司倉烈
考文誨天寶中實為平盧軍衙前兵馬使位至特進檢校
太子賓客封弘農郡開國伯世掌諸蕃互市恩信著明
夷人慕之祿山之亂公年幾二十

孫曰燕奇開元二十
六年生天寶十四年

祿山反時燕
奇年十八

進言於其父曰大人守官宜不得去

宜一
作義

王室在難某其行矣其父為之請於戎帥遂率諸將校
之子弟各一人間道趨關變服詭行日倍百里天子嘉

之特拜左金吾衛大將軍負外置賜勲上柱國寶應二

年春詔從僕射田公平劉展

孫曰上元元年十一月宋州刺史劉展赴揚州揚州

長史鄧景山以兵拒之為展所敗進陷揚潤昇等州二年正月平盧兵馬使田神功生禽展揚潤平今云寶應

誤也又從下河北大厯八年帥師納戎師勉于滑州

孫曰大厯

八年三月永平節度使令狐彰卒以工部尚書李勉為永平軍節度滑毫觀察等使

九年從朝于

京師

孫曰是年十一月汴宋節度使田神功入朝京師九年正月神功卒樊曰神功本傳云大厯二年來

朝加檢校尚書右僕射而此云九年未知孰是

建中二年

年一作歲城汴州孫曰建中二年

三月築汴州城

功勞居多三年從攻李希烈先登貞元二年從

司徒劉公復汴州

孫曰貞元四年十二月李希烈陷汴州興元元年十一月宋亳節度使劉

洽大破希烈之衆希烈遁歸蔡州汴州平今云貞元二年誤也樊曰司徒劉公謂劉元佐十二年與

諸將執以城叛者歸之于京師

孫曰十二年六月宣武節度使李萬榮病其子

乃自署為兵馬使軍中執之歸京師

事平授御史大夫食實封百戶賜繒

綵有加

一有以字

十四年年六十一五月某日終于家自始

命左金吾大將軍

一無大將軍三字

凡十五遷為御史大夫職

為節度押衙左廂兵馬使

左一作右

兼馬軍先鋒兵馬使階

為特進勳為上柱國爵為清邊郡王食虛邑三百戶至

三千戶真食

一有
五字

百戶終焉公結髮從軍四十餘年

一作

歲

敵攻無堅城守必完臨危陷難歔歔感發乘機應會

捷出神怪不畏義死不榮幸生故其事君無疑行其事

上無間言初僕射田公其母隔于冀州

補注神功
冀州人

公獨

請往迎之經營賊城出入死地卒致其母田公德之約

為父子故公始姓田氏田公終而後復其族焉嗣子通

王屬良禎

補注通王名
諡德宗次子

以其年十月

一作二月
一作三月

庚寅葬

公于開封縣魯陵岡隴西郡夫人李氏祔焉

祝曰祔祭
名亦合葬

也左氏不附于姑○附音附

夫人清夷郡太守祐之孫漁陽郡長史

獻之女柔嘉淑明先公而殂有男四人女三人後夫人

河南郡夫人雍氏某官之孫某官之女有男二人

或作二人

一有女一人

作一或二

咸有至性純行夫人同仁均養親族

不知異焉君子於是知楊公之德又行於家也銘曰

烈烈大夫

作大一

逢時之虞感泣辭親從難于秦維茲爰

始遂勤其事四十餘年或裨或專攻牢保危爵位已濟

既明且慎終老無墮魯陵之岡蔡河之側蒸蒸孝子思

顯勲績斷石于此式垂後嗣

河南少尹裴君墓誌銘

公諱復

孫曰俗本多作授非

字茂紹河東人曾大父元簡大理正

大父曠御史中丞京畿採訪使父虬

孫曰大歷初虬為道州刺史五年與

澧州刺史楊子琳衡州刺史陽濟同討湖南之亂

以氣略敢諫諍為諫議大夫

引正大疑有寵代宗朝屢辭官不肯拜卒贈工部尚書

樊曰歐陽公跋怡亭銘云裴虬撰李陽冰篆李莒書銘在武昌江水中有小島亭在其上銘刻於島石虬代宗時為道州刺史按公此文云虬為諫議大夫不云為公道州刺史唐史亦不見其事歐陽豈得之怡亭銘耶公

舉賢良

孫曰貞元元年九月上策賢良方正能直言極諫三科舉人復與韋執誼等十四人中賢良

拜同官尉

韓曰同官縣名屬京兆府

僕射南陽公開府徐州

孫曰貞元四年

十一月以濠壽廬三州團練使張建封為徐泗濠節度使

召公主書記三遷至侍

無

侍御史入朝歷殿中侍御史累遷至刑部郎中疾病改

河南少尹輿至官若干日卒寶元和三年四月二十三

日享年五十夫人博陵崔氏少府監頌之女

頌唐曰男他鼎切

男

三人環質皆既冠其李始六歲曰彥郎卜葬得公卒之

四月壬寅遂以其日葬東都芒山之陰杜翟村公幼有

文年十四

李曰時寶應元年

上時雨詩代宗以為能將召入為

翰林學士尚書公請免曰願使卒學丁後母喪上使臨

弔又詔尚書公

詔一作語

曰父忠而子果孝吾加賜以勵天

下終喪必且以為翰林學士其在徐州府能勤以有勞

以一作而

在朝以恭儉守其職居喪必有聞待諸弟友以善

教

一無友字

館嫠妹

嫠音

畜孤甥能別而有恩歷十一官而

無宅於都無田於野無遺資以為葬斯其可銘也已銘

曰

裴為顯姓入唐尤為盛支分族離各為大家惟公之系

德隆位細曰子曰孫厥聲世繼晉陽之邑

孫曰晉陽復所居也○邑

或作色非

愉愉翼翼無外無私幼壯若一何壽之不遐而祿

之不多謂必有後其又信然耶

國子助教河東薛君墓誌銘

韓曰石本首云朝議郎守國子博士
韓愈撰刊本與石本異今詳注於下

君諱公達字某

石本云字大順

薛姓曾祖曰希莊撫州刺史贈

大理卿

孫曰希莊父文思官中書舍人

祖曰元暉果州流溪縣丞贈左

散騎常侍

孫曰舊史云元暉官什邡令以播贈禮部郎中。○自祖曰至常侍凡十六字係以石本添

入父曰播

孫曰元暉三子據摠播據開元十九年摠十八年播天寶十一年並登第

尚書禮

部侍郎

孫曰貞元三年正月播卒贈本曹尚書

侍郎命君後兄授

石本作據授

為尚書水部郎中

石本水作禮

贈給事中君少氣高為文有

氣力務出於奇以不同俗為主

舊本作志石本作主

始舉進士不

與先軍揖作胡馬及園丘詩

孫曰貞元九年公達登第是歲十一月上親郊園丘

馬

京師人未見其書皆口相傳以熟

石本有及擢第三字

補家令

主簿佐鳳翔軍

孫曰貞元三年二月以鳳翔留後邢君牙為鳳翔尹鳳翔隴州觀察使至是表

欽定四庫全書

王百家詩集卷之二十四

十四

公連佐其軍

軍帥武人君為作書奏讀不識句傳一幕以為

笑君不為變

石本無君字

後九月九日大會命射

石本無命字

設

標的高出百數十尺令曰中酬錦與金若干一軍盡射

莫能中者

一無者字

君執弓晉二矢挾一矢以興

挾字一本作拔石本

作指補注邵太史曰指一矢為妙語

揖其帥曰請以為公歡遂適射所一

座起隨之

石本座下有皆字

三發

石本作射三發

連三中的壞不可復

射中輒一軍大呼以笑連三大呼笑帥益不喜即自免

去

自一作日

後佐河陽軍任事去害興利功為多拜協律郎

益棄奇與人為同今天子修太學官有公卿言詔拜國

子助教分教東都生元和四年年四十七二月十四日

疾暴卒君再娶

石本有初娶琅琊王氏後娶京兆韋氏十三字它本韋或作韓或作常

凡

四男五女

石本凡下有產字

男生輒死

石本輒下有即字

自給事至君

後再絕皆有名遺言曰以公儀之子為己後

石本作己後我補

注己已蓋公儀之子小字也

其年閏三月二十二日弟某官公儀殿

中侍御史公幹以君之喪葬京兆某縣

石本云弟試太子通事舍人公

儀弟京兆府司錄公幹以君之喪歸以五月十五日葬于京兆府萬年縣少陵原合祔王夫人塋

銘曰

宦不遂

洪曰前漢張釋之與兄仲同居以賢為騎郎事文帝十年不得調亡所知名釋之云久宦減仲

之產不遂也或作官不能達官不能達皆非石本作官不遂

歸譏於時

譏一作議

身不得

年又將尤誰世再絕而紹祭以不隳

監察御史元君妻京兆韋氏夫人墓誌銘

今本止題云韋氏夫人墓誌銘

夫人諱叢字茂之姓韋氏

集注雲溪友議云元相國娶京兆韋氏字蕙叢

其上

七世祖父封龍門公

孫曰後周驃騎將軍晉州總管府長史韋通封龍門縣公

龍門

之後世率相繼為顯官

孫曰通子善嗣上谷太守善嗣子崇德太子諭德崇德子弼字

國禎主客郎中萊
濟商三州刺史

夫人曾祖父諱伯陽自萬年令為太

原少尹副留守

一有北都二字

卒贈秘書監

孫曰伯陽字子春卿之子也

其

大王父迨

一大字無

以都官郎為嶺南軍司馬卒贈同州刺

史

孫曰伯陽子迨檢校都官郎中為嶺南節度行軍司馬

王考夏卿

孫曰夏卿字雲客。一無

王

以太子少保贈左僕射

孫曰貞元十九年十二月以夏卿為太子少保卒年六十

四贈尚書左僕射保下一有卒字

僕射娶裴氏臯女

一無僕射二字

臯為給事

中

孫曰臯耀卿第五子

臯父宰相耀卿

孫曰耀卿字煥之開元二十一年十二月自京兆尹

為黃門侍郎平章事二十四年十一月罷

夫人於僕射為季女

一作少愛之為季女

選其壻得今御史河南元稹

樊曰稹字微之河南人

稹時始以選

授校書秘書省中

孫曰貞元十八年稹調判入第四等授秘書省校書郎選下一無授字

其後遂以能直言策第一

孫曰元和元年四月稹中才識兼茂明於體用科居第一

拜左拾遺果直言失官

樊曰稹為拾遺遇事輒舉始王叔文王伾蒙幸太子官挾國政

稹謂宜選正人輔導因獻教本書又上疏條十事又諫詔令數易不能信天下又陳西北邊事憲宗悅召問得失執政惡之又起為御史

樊曰元和三年稹拜監察御史

舉職無所顧

夫人因前授教於賢父母

因一作固

及得其良夫又授教於

先姑氏

孫曰稹母榮陽郡太君鄭氏

率所事所言

一作所動

皆從儀法年

二十七

孫曰韋氏興元年生

以元和四年七月九日卒卒三月

得其年之十月十三日葬咸陽從先舅姑兆銘曰

詩歌碩人爰叙宗親

孫曰詩碩人其頌衣錦褰衣齊侯之子衛侯之妻東宮之妹邢侯之

姨譚公維私宗親謂此也

女子之事有以榮身夫人之先累公累卿

於赫外祖相我唐明歸逢其良夫婦婦獨不與年而

卒以天寶生五子一女之存

孫曰韋氏一女曰保子後適校書郎韋絢

銘于

埋辭

埋一作好以永於聞

五百家注昌黎文集卷二十四

欽定四庫全書

五百家注昌黎文集卷二十五

宋 魏仲舉 編

誌銘

唐故登封縣尉盧殷墓誌

一本無唐故樊曰孟郊有弔盧殷詩十首其一云登封草木深登封道路微日月不與光莓苔空生衣可憐無子翁虬蟬緣病肌攣臥歲時長漣漣但幽噫幽噫虎豹間此外相訪稀至親唯有詩抱心死有歸河南韓先生後君作因依磨一片嵌巖書千古光輝謂公此

銘也

元和五年十月日范陽盧殷以故登封縣尉卒登封年
六十五君能為詩自少至老詩可錄傳者在紙凡十餘
篇無書不讀然止用以自資為詩與諫議大夫孟簡協
律孟郊監察御史馮宿好期相推挽祝曰選或推或挽。推他回切卒
以病不能為官在登封盡寫所為詩投故宰相東都留
守鄭餘慶孫曰元和三年六月以故相鄭餘慶為東都留守留守數以帛米周
其家書薦宰相宰相不能用竟飢寒死登封將死自為

書告留守與河南尹

孫曰元和四年十二月以戶部侍郎房式為河南尹乞葬已

又為詩與常所來往河南令韓愈曰為我具棺留守尹為具凡葬事韓愈與買棺又為作銘十一月某日葬嵩山下鄭夫人墓中君始娶滎陽鄭氏後娶隴西李氏生男輒死卒無子女一人學浮屠法不嫁為比丘尼云

唐故興元少尹房君墓誌銘

補注房君武也公嘗為其夫人鄭氏作殯表今又誌其墓

房故為官族稱世有人自太尉瑄

孫曰瑄字次律河南人以德行

為相相玄宗肅宗

孫曰天寶十五年七月玄宗拜瑄吏部尚書同平章事至德二年五月罷

廣德元年卒贈太尉

名聲益彰徹大行世號其門為太尉家宗族

子弟皆法象其賢公曾祖諱玄靜尚書膳部郎中歷資

簡涇隰四州刺史太尉之叔父也

孫曰玄靜父彥雲有二子長曰玄基次曰

玄靜玄基子融天后朝正諫大夫同鳳閣鸞臺平章事融子瑄

祖諱肱為號州司馬父

諱巒

一作樂

都水使者皆名能守家法

名一作多

公諱武字某

以明經歷官至興元少尹謹飭畏慎年七十三以其官

終幼壯為良子弟老為賢父兄歷十二官處事無纖毫

過差嘗以殿中侍御史副丹陽軍使其後為藍屋令祝曰

藍屋縣名屬鳳翔。藍張流切音輸屋陟栗切音室施州刺史丹陽藍屋施州無一

上六吏民至今思之娶滎陽鄭氏女孫曰鄭絳之女生男六人

其長曰次卿次卿有大才不能俯仰順時年四十餘尚

守京兆興平尉然其友皆曰房氏有子也樊曰次卿字蜀客貞元七

年登第公詩有將歸贈孟東野次曰次公次膺次回次

房蜀客其後又有祭蜀客文

衡次元始學而未仕女三人皆嫁為士人妻初公之在

施州夫人卒馬殯于江陵元和五年次卿與其羣弟奉

公之喪自興元至堂殯于伊水之南六年正月次公奉

夫人之喪自江陵至遂以其月十四日合葬河南緱氏

之高龍原公母弟式自給事中為河南尹

韓曰元和四年十二月以

戶部員外郎房式為河南尹

孝友慈良盡費其財以奉公葬未葬之

一月詔以河南為御史中丞領宣州觀察使

孫曰元和五年十二

月以式為宣歙觀察使

將行一作往

召河南令韓愈泣謂曰吾兄之

葬於是而吾為尹於是吾以為得盡其道於吾兄也今
壓於上命不得視吾兄之棺入此土也豈非天耶子與

吾兄兒次卿游我重知子凡吾兄之終事將子是託焉
愈既不獲辭既助其凡役事退又為銘云

有位有名有弟有子從先人葬是謂受祉

唐故河南少尹李公墓誌銘

韓曰李公素也据史李素
無傳惟李錡傳附見焉

元和七年二月一日河南少尹龍西李公卒年五十八
斂之三月某甲子葬河南伊闕鳴皋山下前事之月其
子道敏哭再拜授使者公行狀以幣走京師乞銘于博

士韓愈

孫曰元和七年二月公自職方員外郎左遷國子博士

曰少尹將以某月

日葬

一無某字

宜有銘其不肖嗣道敏杖而執事不敢違次

不得跣以請愈曰公行應銘法子又禮葬

一無葬字

敢不諾

而銘諸公諱素字某生七歲喪其父

孫曰上元三年素父樂卒

貧不

能家母夫人提以歸教畜于外氏

于下一有其字以明經選主

號之弘農簿又尉陝之芮城李丞相泌觀察陝號以材

署運使從事

孫曰貞元元年七月以泌為陝號觀察水陸運使表素為從事以課遷尉

京兆鄠

祝曰鄠京兆縣名左氏乃舍諸靈臺注在京兆鄠縣孫曰鄠邑名古有扈國。鄠音戶

考

滿以書判出其倫選主萬年簿而母夫人固在食其祿

母夫人卒三年改尉長安遷監察御史奏貶九卿一人

改詹事丞遷殿中侍御史由度支負外郎

一本度支上有屯田二字

使侍郎

孫曰元和元年四月以兵部侍郎李異為度支鹽鐵轉運使

介持

一作非

不禮

其屬大夫士擅喜怒賞罰公獨入讓不受劉闢平上以

蜀賞高崇文

孫曰九月闢誅十月崇文為西川節度使

尚書省與崇文幕

府

與一作以

爭鹽井因革便不便命公使崇文崇文命幕府

唯公命從即其日事以疏奏侍郎外稱其能竟坐前敢

抗已衢州饑擇刺史侍郎曰莫如郎中李某遂刺衢州

至一月遷蘇州

孫曰時以杜兼為蘇州刺史兼曰李錡且反必且奏族臣上因留為吏部郎中

而以素為蘇州刺史

李錡前反

一有權字

將之戍諸州者刺史至斂手

無與敵

孫曰二年十月鎮海節度使李錡反先是錡選腹心五人為所部五州鎮將姚志安處蘇州李

深處常州趙惟忠處湖州丘自明處杭州高肅處睦州察刺史動靜及將反各令殺其刺史

公至十

二日錡反公將左右與賊戰州門不勝賊呼入公端立

責以義皆斂兵立不逼錡命械致公軍將斬以徇及境

錡敗縛公脫械還走州

樊曰錡反素為志安所敗生致于錡具桎梏釘于船舷未及京

口十月潤州大將張子良
李奉仙等執綺素獲免

賊急卒

一作竟平

不暇走死民抱

扶迎盡出天子使貴人持紫衣金魚以賜居三年州稱

治拜河南少尹行大尹事

樊曰六年三月以河南尹都士美為昭義軍節度使以素

為少尹行大尹事七年二月許孟容自兵部侍郎代素為尹

呂氏子炅

古迥切

棄其妻

著道士衣冠

著之畧切

謝母曰當學仙王屋山去數月復出

間詣公公立之府門外使吏卒脫道士冠給冠帶送付

其母黜屬令二人以賊

一作賊非

減民賦錢歲五十萬請緩

民輸期一月詔天下輸皆緩一月公一斷治不收聲事

常出名上曾祖弘泰簡州刺史祖乾秀伊闕令父燮宣

州長史贈絳州刺史母夫人燉煌張氏

祝曰燉煌郡名史記遷至燉煌

煌燉音屯音皇

其舅叅

一作泰

有大名君之配曰彭城劉氏夫

人夫人先卒其葬以夫人祔夫人曾祖曰子玄

孫曰子玄名知

幾

祖曰餽

孫曰餽字鼎卿

皆有大名公之子男四人長曰道敏

舉進士其次曰道樞其次曰道本

一有其次曰三字

道易皆好

學而文女一人嫁蘇之海鹽尉韋某

一作韋潛

自簡州而下

皆葬鳴臯山下銘曰

高其上而坎其中以為公之宮奈何乎公

唐故集賢院校理石君墓誌銘

韓曰洪佐烏重肩于河陽公嘗有詩及序送之至是卒公祭以文又銘其墓。今本無唐

故集賢院

校理七字

君諱洪字濬川其先姓烏石蘭九代祖猛或作七始從

拓拔氏入夏

祝曰廣韵引周書王秉王興並賜姓拓至氏又有拓拔氏初黃帝子昌意少子受封

北土黃帝以土德王北俗以土為拓謂后為拔故以拓跋為氏跋亦一作拔或說自云拓天而生拔地而長遂以為氏後魏孝文太和二十年改為元氏夏謂中夏也。拓音託跋蒲撥切拓或作跖居河南遂

去烏蘭獨姓石氏

孫曰後魏孝文皇帝太和十八年遷都洛陽二十年盡改複姓改烏石蘭

止為石氏以河南為望樊曰後魏官氏志烏石蘭氏改姓石氏有司空蘭陵公石猛而官號大司

空後七世至行褒官至易州刺史於君為曾祖易州生

婺州金華令諱懷一卒葬洛陽北山金華生君之考諱

平為太子家令葬金華墓東而尚書水部郎劉復為之

銘君生七年喪其母

孫曰洪大歷六年生十二年喪母

九年而喪其父

孫曰大歷十年喪父

能力學行去黃州錄事參軍

樊曰李翱薦洪書云明經

出身曾任冀州糾曹今云黃州恐傳寫之誤

則不仕而退處東都洛上十餘

年行益修學益進交遊益附聲號聞四海

一作方

故相國

鄭公餘慶留守東都

孫曰元和三年六月以鄭餘慶為東都留守

上言洪可

付史筆李建拜御史

孫曰建字杓直元和三年十月高郢為御史大夫奏建為殿中侍御

史建舉洪自代

崔周禎為補闕皆舉以讓宣歙池之使

孫曰元和五年

七月以盧坦為宣歙觀察使

與浙東使

孫曰元和三年正月以薛苹為浙東觀察使

交牒

署君從事

從上一有為字

河陽節度烏大夫重肩間以幣先走

君廬下

間一作間

故為河陽得

一作所得

佐河陽軍

孫曰元和五年四月以烏

重肩為河陽節度使表洪為府參謀

吏治民寬考功奏從事考君獨於天

下為第一元和六年詔下河南徵拜京兆昭應尉校理

集賢御書明年六月甲午疾卒年四十二娶彭城劉氏

女故相國晏之兄孫

孫曰晏兄弟三人昱大理司直遷杭州刺史幼則晏也

生男

二人八歲曰壬四歲曰申女子二人顧言曰葬死所

孫曰

謂止葬長安不歸洛陽也

七月甲申葬萬年白鹿原既病謂其游韓

愈曰子以吾銘銘曰

生之艱成之又艱若有以為而止於斯

唐故江西觀察使韋公墓誌銘

韓曰韋丹新史列之循吏傳皆取公墓誌及杜牧所作遺愛碑為之

公諱丹字某

孫曰字文明京兆杜陵人

姓韋氏六世祖孝寬仕周有

功以公開號於鄭

祝曰孝寬名叔裕以字行仕周為大司空封鄭國公左氏鄭人軍其郊○

鄭音云○一本有號鄭公三字

鄭公之子孫世為大官

孫曰孝寬子津位內史侍郎戶

部侍郎判尚書事津子琨字玄理唐太子詹事封武陽縣侯琨子幼平岐州參軍幼平子抱貞梓州刺史唯

公之父政卒雒縣丞贈虢州刺史

孫曰政為漢州雒縣丞後贈右諫議大夫

公既孤以甥孫從太師魯公真卿學

一有真卿愛之四字

舉明經

第一

一作及第

選授硤州遠安令

硤侯夾切

以讓其庶兄入紫閣山

事從父熊通五經登科

一作登明經科

歷校書郎咸陽尉佐邠

寧軍

孫曰貞元四年七月以張獻甫為邠寧節度使獻甫表丹佐其府

自監察御史為

殿中侍御史徵拜太子舍人益有名遷起居郎吳少誠

襲許州

孫曰貞元五年八月少誠圍許州

拜河陽行軍司馬未行少誠

死

孫曰元和四年十一月少誠卒此時未死死字當作敗

改駕部員外郎新羅國

君死公以司封郎中兼御史中丞紫衣金魚往弔立其

嗣

孫曰貞元十六年四月新羅王敬則卒冊命其孫俊邕為開府儀同三司太尉新羅王

故事使

外國者常賜州縣官十負使以名上以便其私號私覲

官公將行曰吾天子使使海外國不足於資宜上請安

有賣官以受錢耶即具疏所以上以命有司

上以字下或有為賢

二與其費至鄆州

鄆音運

會新羅告所當立君死

孫曰丹至鄆州

聞俊鬻卒國人立其子重熙詔丹還

拜容州刺史容管經畧招討使

孫曰貞元

十七年除容管

始城容州周十三里置屯田二十四所化大行

詔加大中大夫順宗嗣位拜河南少尹

孫曰貞元二十一年正月德宗

崩順宗即位五月以丹為河南少尹

行未至拜鄭滑行軍司馬

孫曰以丹為義成節

度使李素行軍司馬

始至襄陽詔拜諫議大夫

孫曰丹自容至襄陽拜右諫議大夫

既至日言事

一作日言軍事

不阿權臣謇然有直名遂號為才

臣劉闢反圍梓州詔以公為東川節度使御史大夫

樊曰

八月西川節度使韋皋卒度支副使劉闢自為留後九月徵闢為給事中不受詔議者欲擇不問丹上疏以為今釋闢不誅則朝廷可指臂而使者唯兩京止耳此外誰不為叛上善其言以丹為東川節度使兼御史大夫

代李康

公行至漢中上疏言梓州在圍間守方盡力不可

易將徵還入議蜀事劉闢去梓州因以梓州讓高崇文

孫曰元和元年正月以左行營節度使高崇文討闢三月丹至漢中表言崇文客軍遠關無所資若與梓州綴其士心必能有功四月以崇文拜晉慈隰等州觀察防為東川節度使副使知節度事

禦使

孫曰是月以丹為晉慈隰三州觀察使

自扶風縣男進封武陽郡開

國公食邑二千戶將行上言臣所治三州非要害地不

足張職為國家費不如屬之河東便

一本有上以為忠四字

一歲

拜洪州刺史江南西道觀察使以晉慈隰屬河東

孫曰元和

二年正月以宰相杜黃裳為河中晉絳慈隰節度使是日以丹為江西觀察使。一本作以晉慈隰地屬之河

東

公既至則計口受俸錢委其餘於官罷八州無事之

食者

孫曰洪江饒虔吉信撫袁八州

以聚其財始教人為瓦屋取材於

山召陶工教人陶聚材瓦於場度其費以為估不取贏

利凡取材瓦於官業定而受其償

一作賞

從令者免其賦

之半逃未復者官與為之

孫曰始民不知屋草茨竹椽久燥則憂而焚之丹聚工教

為陶聚材於場人能為屋者受材瓦于官免半賦

貧不能者裨之財

裨一作卑

載食

與漿親往勸之為瓦屋萬三千七百為重屋四千七百

樊曰杜牧作丹遺愛碑云為瓦屋四千間樓四千二百間

民無火憂暑濕則乘其高

別命置南北市營諸軍

孫曰置南北市為營以舍諸軍

歲旱種不入土

募人就功厚與之直而給其食業成人不病饑為長衢

南北夾兩營東西七里人去滌汙

祝曰易井滌不食注不停汙之謂滌滌息

列切介甫本漢作溝氣益蘇復作南昌縣徙廐于高地因其廢倉

大屋馬以不連死

一作馬以為連廐

明年築堤扞江長十二里

疏為斗門以走潦水公去位之明年江水平堤

孫曰丹派湖入

江節以斗門以走暴漲築堤捍江高五尺長十二里堤成明年江興堤平

一本有既退二字老幼泣

而思曰無此堤吾屍其流入海矣灌陂塘五百九十八

得田萬二千頃

樊曰杜牧作丹遺愛碑云築堤五尺長十二里鑿六百陂塘灌田一萬頃凡

為民去害興利若嗜欲居三年於江西八州無遺便其

大如是其細可略也

一無字

卒有違令當死者公不果於

誅杖而遣之去上書告公所為不法者若干條

一無者字

朝

廷方勇於治且以為公名才能臣治功聞天下不辨則

受垢詔罷官留江西待辨使未至月餘公以疾薨使至

辨凡卒所告事若干條皆無絲毫實詔答卒百流嶺南

公能益明春秋五十八薨於元和五年八月六日公好

施與家無剩財自校書郎至為觀察使擁吏卒前走七

州刺史

孫曰洪州丹所自治故餘七州

與賓客處

一有如布衣時四字

自持卑不

易

卑下或有一字

娶清河崔氏故支江令諷之女某官某之孫

有子曰真年十五明經及第嗣其家業後夫人蘭陵蕭

氏中書令華之孫殿中侍御恒之女

孫曰華萬之子

皆先公終

有女一人凡公男若干人

樊曰杜牧作遺愛碑云有子三人真宙岫宙咸通中檢校

尚書左僕射同平章事充嶺南節度岫終福建觀察使
真無聞唐史世系表則著真宙審而遺岫審大理評事

明年七月壬寅從葬萬年縣

一無縣字

少陵原將葬其從事

東平呂宗禮

孫曰宗禮即呂恭字敬叔溫之弟

與其子真謀曰我公宜

得銘得銘不朽矣

一云我公宜得直而不華者銘傳於後固不朽矣

真來請銘

銘曰

武陽受業始於太師

補注太師即顏真卿

以官讓兄自待不疑勤

於紫閣取益以卑可謂有源卒用無疵慊慊為人

慊音歎

矯矯為官爰及江西功德具完名聲之下獨處為難辨

而益明仇者所歎

音灘

碑于墓前維昭美故納銘墓中以

識公墓

識式志切

唐故河南府王屋縣尉畢君墓誌銘

畢氏出東平

孫曰畢氏本畢公高之後其後世為東平須昌人

歷漢魏晉

孫曰晉有

畢諶為中書郎諶子卓字茂世大興末為吏部郎

宋齊梁陳士大夫不絕

孫曰北史

畢敬衆子元賓父子相繼為兗州刺史元賓六子祖朽
祖髦祖歸祖旋祖榮祖暉祖歸子義暢祖榮子義允義
允子僧要祖暉子義總義雲入國朝有為司衛少卿貝邢廬許州刺

史者曰憬

孫曰憬河南偃師人武后時為司衛少卿

憬之子構

孫曰構字隆澤一本構

作累官至吏部尚書卒贈黃門監是為景公

孫曰構少舉進士開

元二年卒樊曰按新史畢景公自吏部尚書徙廣州都督明皇立授河南尹進戶部尚書遽改太子詹事卒贈黃門監謚曰景而此云累官景公生抗

一作炕

為廣平太

守抗安祿山城陷覆其宗贈戶部尚書尚書生垌家破

時垌始生四歲與其弟增以俱小漏名籍得不誅為賞

口賊中寶應二年河北平

孫曰是歲七月改為廣德

宗人宏以家財

贖出之求增不得增長為河北從事兼官至御史中丞

垌既至長安宏養於家教讀書明經第宏死垌益壯始

自別為畢氏歷尉臨渙安邑王屋年六十一以元和六

年二月二日卒於官初罷臨渙徐州節度張建封慕廣

平之節死

一作死節

聞君篤行能官請相見署諸從事攝符

離令四年及尉王屋徐之從事有為河南尹者

樊曰元和六年

以杜兼為河南少尹半歲拜大尹兼嘗佐徐泗軍與垌同僚

聞君當來喜謂人曰河

南庫歲入錢

一作歲出入錢

以千計者五六十萬須謹廉吏今

畢侯來吾濟矣繼數尹

孫曰杜兼卒房式郗士美相繼尹河南垌任職如故

諸署

於府者

諸一作請

無不變而畢侯固如初竟以其職死君睦

親善事過客未嘗問有無既卒家無一錢凡棺與葬事

葬一作墓

皆同官與相識者事之娶清河張氏女生男四人

曰鎬鉦鉦銳

鎬胡道切鉦匹眉切鉦音求

女子三人其長學浮屠法

為比丘尼其季二人未嫁以其月二十五日從葬偃師

之土婁銘曰

上古愛民為官求人苟可以任位加其身其後喜權人
自求官退而緩者身後人先故廣平死節而子不荷其
澤王屋謹廉而神不福其謙嗚呼天與人苟無傷其穴
與墳

唐故試大理評事胡君墓銘

補注胡君
名明允

胡之氏別於陳

孫曰周武王封胡公滿
於陳其支子自稱胡氏

明允先河東人

孫曰河中
河東人

世勤固載厥身籍文譜進連倫

集注明允之
父瑱伯父玖

皆登樊惟明允加武資力牛虎柔不持吏夏陽有施為樊

第夏陽同去平陽民思悲樊曰平陽河東土河陸原宜茲晉州郡名

人肖後昆五十七不足年孤兒啼死下官母弟証秩大

夫孫曰証字啓中貞元元年登第。証音政韓曰一本

作秋大夫非是以証傳考之証未嘗為刑曹而嘗遷

左諫議大夫於石君遺哭泣書友韓愈司馬徒韓曰公

元和八年也作後銘系序初

唐故襄陽盧丞墓誌銘

范陽盧君行簡將葬其父母乞銘於職方員外郎韓愈

孫曰元和六年秋召公為職方員外郎

曰吾先世

一作五

世載族姓書

孫曰盧植

字子幹涿郡涿人後漢北中郎將子毓字子家魏司空城侯毓子挺字子笏泰山太守璉字志字子道軍諮

祭酒志子諶字子諒司空從事中郎諶子偃慕容氏營丘太守偃子邈范陽太守邈子玄字子真後魏中侍郎

玄子伯源字湯烏秘書監伯源子道將字祖業燕郡太守道將子懷仁字子友弘農太守吾胄於拓

拔氏之弘農守守後四代吾祖也

孫曰懷仁子彥卿東宮學士彥卿孫璣

為沂州錄事參軍五世而吾父也為襄陽丞始吾父自

曹之南華尉歷萬年縣尉至襄陽丞以材任煩能持廉

名去襄陽則署鹽鐵府職出入十五年常最其列貞元
十三年終其家年六十七殯河南河陰縣吾母燉煌張
氏也王父瓘為充之金鄉令

之一作川

先君歿十三年而夫

人終年七十三從殯河陰生子男三人居簡金吾兵曹

行簡則吾其次也大理主簿佐江西軍

孫曰佐江西觀察使崔元幕府

其幼可久女子嫁浮梁尉崔叔寶將以今年十月自河
陰啟葬於汝之臨汝縣臨汝原吾曰陰陽星厯近世儒
莫學獨行簡以其力餘學能名一世舍而從事於人以

財稱葬其父母乞銘以圖長存是真能子矣可銘也遂
以銘弘農諱懷仁沂州諱璲音皎襄陽諱某今年實元和
六年

唐故河中府法曹張君墓碣銘

有女奴抱嬰兒來致其主夫人之語曰妾張圓之妻劉
氏也妾夫常語妾云吾常獲私於夫子且曰夫子天下
之名能文辭者凡所言必傳世行後今妾不幸夫遇盜
死途中

集注李肇國史補云張圓佐韓弘僞史弘初秉
節事無大小妾之後乃奏貶圓多怨言及量移

誘至汴州極歡而遣之行次八角店白日殺之收其財
賂而還然此誌但云遇盜死途中未嘗略及貶謫之意
國史補恐未必可信將以日月葬妾重哀其生志不就恐死遂沈

泯敢以其稚子汴兒見先生賜之銘

一作稚子見幸賜之銘一作將賜之

銘

是其死不為辱而名永長存所以覆蓋其遺胤若子

若孫且死萬一能有知將不悼其不幸於土中矣又曰
妾夫在嶺南時嘗疾病泣語曰吾志非不如古人吾才
豈不如今人而至於死於是耶若爾吾哀必求夫
子銘是爾與吾不朽也愈既哭弔即辭遂敘次其族世

名字事終始而銘曰

君字直之祖謹父孝新皆為官汴宋間君嘗讀書為文
詞有氣有吏才嘗感激欲自奮拔樹功名以見世初舉
進士再不第因去事宣武軍節度使得官至監察御史
坐事貶嶺南再遷至河中府法曹叅軍攝虞鄉令有能
名進攝河東令又有名遂署河東從事絳州闕刺史攝
絳州事能聞朝廷元和四年秋一有東
方二字有事適東方既
還八月壬辰死于汴城西雙丘年四十有七明年二月

庚午

韓曰按朔歷二月無庚午若曰庚午則正月晦也

葬于河南偃師妻彭城

人世衣冠祖好順泗州刺史父泳卒蘄州別駕女四人

男一人嬰兒汴也是為銘

唐故太原府叅軍苗君墓誌銘

君諱蕃字陳師

孫曰漢有陳蕃故蕃字陳師

其先楚之族大夫亡晉

而邑於苗世遂以苗命氏

孫曰楚若敖熊儀生子曰鬬伯比伯比生子良子良生越

椒字伯棼以罪誅其子賁皇奔晉晉邑之苗後以為氏

其後有守上黨者惠於民

卒遂家壺關

祝曰壺關縣名屬潞州

曾大父延嗣

孫曰延嗣父襲夔高蹈不仕贈

禮部尚書

中書舍人大父含液

孫曰延嗣二子含澤含液含澤開元十年含液八年皆登

第

舉進士第官卒河南法曹父穎揚州錄事參軍君少

喪父受業母夫人舉進士第

韓曰貞元十一年登進士第

佐江西使

有勞三年使卒

孫曰貞元十一年八月以路襄為江西觀察使蕃佐其府十三年九月襄卒

後辟不肯留

孫曰後使李異辟蕃蕃辭

獨護其喪葬河南選補太原

參軍

孫曰河東節度嚴綬表佐其府

假使職獄平貨滋息更斂手不敢

為非年四十有二元和二年六月辛巳暴病卒其妻清

河張氏以其年十二月丙寅

韓曰以歷推之丙寅為其月十九日

葬君於

洛陽平陰之原男三人執規執矩必復其季生君卒之

三月君同生昆弟姊凡三人皆先死四室之孤男女凡

二十人皆幼遺資無十金

嚴曰漢以前以鎰名金漢以後以斤名金鎰者二十四兩

斤者十六兩諸史傳中或言百金或言萬金皆以一斤為一金十金者十斤金也

無田無家以

為歸無族親朋友以為依也天將以是安施耶

樊曰按世系表


苗襲夔生延嗣延嗣生含液含液生穎穎生蕃蕃生著
著生惜憚憚恪惜生台符憚生廷又又按登科記惜長慶
二年憚大和五年恪八年台符大中八年廷又乾符三
年皆相踵登第然有可疑者世系表以惜憚恪為蕃之
孫誌謂蕃卒於元和二年男女皆幼自元和二年至長
慶二年甫十五年豈遂有孫登第耶然則世系表蕃之

下所謂者者誤矣疑惜憚恪即蕃之子而執規執矩必復者蕃死時幼而未名特其小字云爾其後遂名惜憚恪也嗚呼蕃死時其困如此其後子孫之盛則如此此為善者可無怠矣

銘曰

有行以為本有文以為華恭以事其職而勤以嗣其家

位卑而無年吁其奈何



五百家注昌黎文集卷二十五

欽定四庫全書

集部

五百家注昌黎文集卷二十六至

詳校官通政使_臣夢吉

檢討_臣何思鈞覆勘

總校官檢討_臣何思鈞

校對官主事_臣陳墉

膳錄監生_臣左詢

欽定四庫全書

五百家注昌黎文集卷二十六

宋 魏仲舉 編

碑銘

唐故贈朝散大夫司勳員外郎孔君墓誌銘

韓曰孔君名戡孔子三十六世孫時與公偕分司東都卒公作此銘。今本止題孔君墓誌銘

昭義節度盧從史

樊曰昭義軍潞州也在河東今為昭德軍孫曰貞元二十年八月以盧從

史為昭義節度使

有賢佐曰孔君諱戡字君勝

樊曰從史表從戡為掌書記

史為不法君陰爭不從則於會肆言以折之從史羞面

頸發赤

頸一作顏

抑首吐氣

吐一作伏

不敢出一語以對立為君

更令改章辭者

立一作之

前後累數十坐則與從史說古今

君臣父子道順則受成福逆輒危辱誅死且曰公當為

彼不得為此從史常聳聽喘汗

孫曰從史稍得志益驕與王承宗田緒陰相連

結欲效河朔事以固其位戡每秉筆至不軌之言極言其不可從史怒

居五六歲益驕有

悖語君爭無改悔色

一作無改悔意色

則悉引從事空一府往

爭之從史雖羞退益甚君泣語其徒曰吾所為止於是

不能以有加矣遂以疾辭去卧東都之城東酒食伎樂

之燕不與當是時天下以為賢論士之宜在天子左右

者唯皆曰一無孔君云云會左相李公鎮揚州

孫曰元

唯字

九月以宰相李吉甫為淮南節度使

首奏起君君猶高卧不應

猶一作獨從史

讀詔曰是故舍我而從人耶即誣奏君前在軍有某事

上曰吾知之矣奏三上乃除君衛尉丞分司東都詔始

下門下給事中呂元膺封還詔書上使謂呂君曰吾豈

不知戡也行用之矣

孫曰貞元中藩帥誣奏從事者皆不驗理便行降黜及戡詔下元

膺執之上令慰諭
元膺方下詔書

明年元和五年正月將浴臨汝之湯

泉壬子至其縣食遂卒年五十七公卿大夫士相弔於

朝

樊曰白樂天為拾遺以詩哭之曰洛陽誰不死哉死
聞長安我是知戲者聞之涕泣然戲佐山東軍非義

不可干拂衣向西來其道直如絃從事得如此人人以
為難入言明明代合置在朝端或望居諫司有事戲必
言或望居憲府有邪戲必彈惜哉兩不諧沒齒為閒官
竟不得一日蹇蹇立君前形骸隨衆人斂葬北邙山平
生剛腸內直氣歸其間賢者為生民死生懸在天謂天
不愛人胡為生其賢謂天果愛民胡為奪其年茫茫元
化中誰執
如此權

處士相弔於家君卒之九十六日詔縛從史

送闕下數以違命流于日南

樊曰從史丁父憂獻計誅
王承宗由是奪服復領澤

潞因詔討賊而勒兵逗留陰與承宗連憲宗用裴瑒謀
敕神策中尉吐突承璀圖之初承璀與對壘從史時過
其營飲博至是承璀伏壯士幕下伺其來與語士突起
猝持出帳後縛納車中從者驚亂大將烏重喬部勒其
衆叱曰天子有詔衆乃定此誌不著重喬事而見於烏
氏廟碑孫曰元和五年四月鎮州行營招討使吐突承
璀縛從史送京師貶驪州司馬補注歐文忠書從史禱
聰明山記曰閱從史官屬題名見孔戡與烏重喬俱列
于後而退之記戡事云戡屢諫不聽卒為重喬所縛嗚
呼禍福成敗之理甚明先事而言則罕見從事至而言
則不及自古敗

遂詔贈君尚書司勳員外郎蓋用常欲

以命君者信其志

祝曰信讀作伸易屈伸相感而利生焉

其年八月甲申

從葬河南府河陰縣之廣武原君於為義若嗜欲勇不

顧前後於利與祿則畏避退處如怯夫然始舉進士第

一作及第自金吾衛錄事為大理評事佐昭義軍軍帥帥死

孫曰貞元二十年六月昭義節度使李長榮卒○一本不豐帥字從史軍諸將代為帥

請君曰從史起此軍行伍中凡在幕府唯公無分寸私

公苟留唯公之所欲為君不得已君一作居留一歲再奏自

監察御史至殿中侍御史從史初聽用其言得不敗後

不聽信惡益聞君棄去遂敗祖如圭皇海州司戶贈工

部員外郎父岑孫曰如圭二子岑皇著作郎贈駕部員

父巢父今云岑誤

外郎君始娶弘農楊氏女卒又娶其舅宋州刺史京兆
韋妃女皆有婦道凡生一男四女皆幼前夫人從葬舅
姑兆次卜人曰今茲歲未可以祔從卜人言不祔君母
兄殯音達尚書兵部員外郎母弟戰字方舉殿中侍御史以
文行稱朝廷將葬以韋夫人之弟前進士楚材之狀日琪
楚材元和二年登第授愈曰請為銘銘曰

允義孔君茲維其藏更千萬年無敢壞傷

唐故中散大夫河南尹杜君墓誌銘

韓曰杜君名兼史有傳公與兼皆嘗佐張建封于徐州至是兼死河南尹而公為都官員

外郎

為銘

杜氏自戴侯畿始分戴侯之子恕為幽州刺史今居京

兆諸杜其後也

孫曰畿字伯侯京兆杜陵人魏河東太守豐樂戴侯有三子恕理寬恕字務伯

弘農太守
幽州刺史

其季寬孝廉郎中寬後三世曼為河東太守

葬其父洹水

孫曰寬字務叔舉孝廉為郎中曾孫曼仕石趙為從事中郎河東太守韓曰洹水出

汲郡隆慮縣
洹胡端切

其後世皆從葬洹水之陽及正倫

孫曰曼
玄孫君

賜君賜子景字宣明州府交辟不就景子裕字
延仕齊樂陵令四子正玄正藏正儀正倫

為太宗

宰相

孫曰高宗顯慶元年三月以正倫同中書門下三品三年十一月罷今云太宗誤也

猶封襄

陽公

孫曰顯慶二年九月封襄陽郡公

太宗始詔葬京兆襄陽公無子

以兄正藏子志靜後

孫曰正藏字為善子志靜出嗣正倫為安福令嗣封襄陽公

遂

嗣襄陽公生僑為懷州長史棄官老沁水上為富家卒

葬懷州武陟長史生損為左司郎中卒贈大理少卿大

理生虞

音異又余力切一作大理少卿生虞

為鄭州錄事參軍死思明

亂贈吏部郎中公諱兼字基

補注兼字處弘

郎中第三子

孫曰虞三

子曾左金吾兵曹參軍冀太學博士少即兼也

舉進士第

韓曰建中元年兼第進士

司徒北

平王燧戰河北掌書記累官至監察御史其後佐泗州

軍

孫曰貞元四年十一月張建封為徐泗濠節度使表佐其府○一本無州字

遂至濠州刺

史

孫曰兼積勞至濠州刺史兼性浮險尚豪侈德宗既厭兵大抵刺史重代易至厯年不徙兼探帝意謀自

固即修武備募召勁兵三千帝以為才遂橫恣集注本傳載兼刺濠州日誣劾韋實陸楚二人以罪殺之而子厚杜兼對乃取其在濠州能擯鍾離今之讒今二事誌皆不載豈以其善不足以掩惡故畧之耶抑誌與傳異故叙其族出厯官卒之年

徐泗州軍亂以兵防淮道不

絕有功

韓曰貞元十六年五月建封卒上以兼為濠州留後建封之疾亟也兼陰圖代之自州疾驅至

所募僚李藩與同列入問建封疾出見之位曰僕射疾危如此公宜在州防遏今棄州來此欲何為宜速去不

然當奏兼
送徑歸

加御史中丞賜紫衣金魚兵甲三千人入為

刑部郎中

一作刑部尚書
孫曰元和中拜

以能官拜蘇州刺史既辭行

上書曰李錡且反

錡其綺切
又魚倚切

必且秦族臣上固愛其才

書奏即除吏部郎

一有中
字

遂為給事中出為商州刺史金

商防禦使改河南少尹行大尹事半歲拜大尹元和四

年十一月二十二日無疾暴薨年六十明年二月甲午

從葬懷州夫人常山郡君張氏彭州刺史贈禮部侍郎

旣之女

旣音

生子男三人采立為天長主簿詞立為壽

州叅軍誼立為順宗挽郎女一人將葬公之母兄太學
博士冀與公之夫人及子男女謀曰葬宜有銘凡與我
弟游而有文章者誰乎遂來請銘銘曰

杜氏大家世有顯人承繼綿綿以及公身始為進士乃
篤朋友及作大官克施克守纂辭奮筆渙若不思公牒
盈前笑語指麾祿以給求食以曾同不畜不收庫廩虛
空事在于人

在于一作不在

日遠日忘何以傳之刻此銘章

唐故銀青光祿大夫左散騎常侍致仕陽平路

公神道碑文

韓曰按石本其首云朝議郎守國子博士上
騎都尉韓愈撰銀青光祿大夫守吏部尚書
上柱國滎陽縣開國侯鄭餘慶書將仕郎石
拾遺內供奉賜緋魚袋陳岵篆額其後云元
和七年歲次壬辰十月丙子朔十五日庚寅
建云此可以補刊本之闕字有異同今附于
下○一本題云陽平路公神道碑文

惟路氏遠有序

石本世並作代下同

自隋尚書兵部侍郎諱充

一作充石

四世而至冀公

諱曰充封開鄉公充子文昇平愛秦三州刺史封宜城縣

本作衮

公昇子元慙掄次令

冀公諱嗣恭以小邑蕭關令

一有問字

發聞開元受錫更名

樊曰嗣恭其初名劍客以世蔭為鄴尉席豫黜陟河朔表為蕭關令

徙神烏姑臧二縣考績上上為天下最玄宗以為可嗣漢魯恭因賜今名字懿範○石本錫作賜

書于

太史治行靈州

韓曰永泰元年閏十月嗣恭由戶部侍郎為朔方節度使嗣恭披荆棘立軍府

軍令大行○石

終功南邦

樊曰大歷七年正月以嗣恭為江西觀察使八年九月循

本治作始字

州刺史哥舒晃反殺嶺南節度使呂崇貴十月以嗣恭兼嶺南節度往征之十一月克廣州斬晃

享有

丕祉紹開厥家官至兵部尚書封冀國公

補注以平嶺南功轉檢校

兵部尚書 薨贈尚書右僕射

補注建初中卒

公諱應字從衆

石本公作司空

冀公之嫡子

補注嗣恭二子恕應

用大臣子謹飭擢至侍御史著

作郎遷虔州

孫曰貞元初以應為虔州刺史詔嗣父封○石本遷作選割諫雩都作

縣安遠

孫曰貞元四年八月應分雩都縣置安遠縣○石本諫作餘以利民屬石本

作人鑿敗灘石

灘一作灌以平贛梗

孫曰贛虔州水名應鑿其梗險以通舟道祝曰

贛縣名屬豫章章貢二水合流因其處立縣遂以為名即今之贛州○贛右暗切又音感陶甓而城

祝曰甓瓦甓也詩中唐有甓蒲歷切

罷民屢築詔嗣冀封又加尚書屯田

郎中進服色

樊曰李泌為相言於上曰臣輩為元載所嫉謫江西嗣恭與載厚臣常畏之曾與其

子應並驅馬齧其脰臣皇恐不自安應悶不言勉起見父臣嘗愧其長者帝即日加應檢校屯田郎中加金紫

遂臨于溫築堤岳城橫陽界中二邑得上田

一作苗除水

害拜尚書兵部郎中兼御史中丞淮南軍司馬改刺廬州又甃其城民不歲苦入為尚書職方郎中兼御史中丞佐鹽鐵使使江東有功用半歲厯常州遷至宣歙池

觀察使進封襄陽郡王

孫曰永貞元年十二月自常州除觀察使○王一作公或無王

字

至則出倉米下其估半以廩餓人聞劉闢誅行軍千

五百人於蜀李錡將反以聞

補注元和二年十月錡據潤州反

置鄉兵

萬二千人錡反命將期以卒救湖常坐牢江東心

石本坐作

至錡以無助敗縛

樊曰應發鄉兵救湖常二州以故錡不能拔○石本無縛字

作響

山亭營軍于左右權丞相善之鏡其說響山石

祝曰響山宣州

山名元和二年十月亭成三年五月權德輿為記其事鏡刻也○鏡鋤江切

居宣五年以疾

去位

孫曰元和五年以右庶子盧坦代為觀察使

校其倉得石者五十萬餘

府得錢千者八十萬公之為州逢水旱喜賤出與民歲

熟以其得收常有贏利

贏一作餘

故在所民不病饑而官府

畜積元和六年天子憫公疾不可煩以職即其處拜左

散騎常侍以其祿居

一有
其字

歲九月望薨于東都正平里

第年六十七明年葬京兆萬年少陵原夫人滎陽鄭氏

祔既而其子臨漢縣男貫與其弟賞貞謀曰宜有刻也

告於叔父御史大夫廊坊丹延觀察使恕

孫曰元和三年以左金吾

大將軍路恕為廊坊丹延節度使

因其族弟進士羣以來請銘遂以其

事銘曰

冀公之封維艱就功襄陽繼大啟慶自躬于虔洎溫厥

緒既作以及職方遂都邦伯朝夕民事下完上實師于

其鄉

祝曰謂在宣州置鄉兵

鄰寇逼屈營軍響山牆屋修施褒功

刻表

石本功作嘉

丞相之辭受代而家叙疏及邇病不能廷

食祿卒齒凡世大家維艱其保既顯既碩石本作願戒于終

咎伊我襄陽克慎以有延畀後丞石本作承莫不率守有墓

于原維樹有經石本作在經以告無期博士是銘韓曰公時為國子博

士○一作
傳世是銘

烏石廟碑銘

韓曰烏重胤之父也許
孟容亦為作神道碑

元和五年天子曰盧從史始立議用師於恒樊曰元和五年三月

成德節度使王士真卒其子承宗自為留後上欲革河
北世襲之弊從史時為昭義節度使遭父喪因左軍中

尉吐突承璀說上請發本軍討承宗由是復起從史委其成功十月詔削奪承宗官爵以承璀為招討宣慰使命恒州四面藩鎮各進兵共討乃陰與寇連夸謾充驕出不遜言其執

以來

樊曰從史首建伐承宗之謀及朝廷興師從史逼留不進陰與承宗通謀又高芻粟之賈以販度支

諷朝廷求平章事上患之承璀將神策兵與之對壘從史往往過其營博戲宰相裴均言於上曰從史且必為亂今聞其與承璀對壘視承璀如嬰兒往來殊不設備今失不取後難圖也上許之其四月中貴

人承璀

七罪切

即誘而縛之其下皆甲以出操兵趨譁牙

門都將烏公重胤當軍門叱曰天子有命從者有賞敢

違者斬於是士皆斂兵還營卒致從史京師

孫曰從史性貪承璀

盛陳奇玩視其所欲以遺之從史益喜相狎昵元和五年四月承璫與行營兵馬使李聽謀召從史博伏壯士幕下突出擒縛之內車中馳詣京師從史營中士卒皆甲以出操兵趨譚重脣當軍門叱之皆斂兵還部伍會夜車疾驅未明已出境 壬辰詔用烏公為銀青光祿大夫河陽軍

節度使兼御史大夫封張掖郡開國公

韓曰重脣自昭義都知兵馬使

路州左司馬拜銀青光祿大夫懷州刺史河陽三城懷州節度使兼御史大夫

居三年河陽稱

治詔贈其父工部尚書且曰以其廟享

其下一即以其

年營廟于京師崇化里軍佐竊議曰先公既位常伯

補

謂工部尚書也

而先夫人無加命號名差卑於配不宜語聞詔

贈先夫人劉氏沛國太夫人八年八月廟成三室同宇

祀

宇一作宰

自左領府君而下作主于第乙巳升于廟烏氏

著于春秋譜於世本

劉曰世本十五卷錄黃帝以來帝王諸侯伯卿大夫系氏名號列

于姓苑在莒者存

劉曰昭二十三年左氏莒子庚興虐而好餒烏存率國人逐之在齊

者有餘有枝鳴皆為大夫

劉曰襄二十四年左氏齊人城郊之歲其夏齊烏餘以廩

丘奔晉昭二十一年冬十月齊烏枝鳴戌宋○一本云在齊有餘枝鳴者為大夫

秦有獲為大

官

劉曰史記秦武王時力士任鄙烏獲皆為大官

其後世之江南者家鄱陽處

北者家張掖

樊曰烏氏後魏烏洛侯之裔國邑在漢東二千餘里貞觀初貢獻內屬代為功臣因

官徙地今或入夷狄為君長唐初察為左武衛大將軍

實張掖人其子曰令望為左領軍衛大將軍孫曰蒙為

中郎將是生贈尚書諱承洽字某

樊曰新傳云名承玼字德潤廟碑云諱承

洽疑刊寫者誤當作承玼據溫公考異以新傳為正○玼音此烏氏自莒齊秦大夫以

來皆以材力顯及武德己來始以武功為名將家開元

中尚書管平盧先鋒軍屢破奚契丹

樊曰北狄有五一契丹二奚三室韋

四黑水從戰捺祿

捺奴葛切

走可突于

樊曰開元十八年契丹相可突于弒其主

邵固因寇平盧軍承玼為平盧先鋒使破之於捺祿山

○一本作走可汗于讀連下文渤海上為一句非是

渤海至上馬都山吏民逃徙失業

樊曰或謂破走可汗于渤海上追之至馬

都山吏民逃徙失業蓋因可突于入寇而然止是一事今按許孟容作烏承洽神道碑云渤海王武藝出海濱至馬都山屠陷城邑公以本營士馬防遏要害則是祿走可突于而馬都山拒武藝二事不同或者之論過矣新史據孟容神道碑及公廟碑而作司馬溫公考異以新史為誤恐考異未見孟容碑刻耳尚書領

所部兵塞其道壅原累石

累一作壘

綿四百里深高皆三丈

寇不得進民還其居歲罷運錢三千餘萬黑水室韋

祝曰

黑水室韋二國名黑水即靺鞨

以騎五千來屬麾下邊威益張其後與

耿仁智謀說史思明降

孫曰至德二載安慶緒兵敗走保鄴郡史思明判官耿仁智說

思明歸唐思明然之以所部十三郡及兵八萬
來降十二月以思明為歸義王范陽節度使
思明復

叛一無上句降字
及此句思明字
尚書與兄承謀殺之事發族夷尚書

獨走免李光弼以聞詔拜冠軍將軍守右威衛將軍檢

校殿中監封昌化郡王左領軍使

孫曰思明既降李光弼以思明終當叛亂

而承玘兄承恩為思明所親信陰使圖之諸將以白思
明思明未察會承恩入京師上使內侍李思敬與之俱
至范陽思明館承恩相府中帷其牀伏二人於牀下夜
中承恩密謂其子曰吾受命除此逆臣當以吾為節度
使二人於牀下大呼而出乾元元年六月思明榜殺承
恩連坐者二百餘人承玘奔太原光弼表為昌化郡王
充石嶺軍使○積粟厲兵出入耕戰以疾去職貞元十
右嶺一作石嶺

一年二月丁巳薨于華陰告平里年若干即葬于其地

二子大夫為長

補注大
夫重裔

季曰重元為某官銘曰

烏氏在唐有家于初左武左領二祖紹居中郎少卑屬

于尚書不償其勞乃相大夫授我戎節制有疆墟

制有
一作

有其備禮登壇以有宗廟作廟天都以致其孝右祖左孫

爰享其報云誰無子孰其無孫克對無羞乃惟有人念

昔平盧為艱為瘁大夫承之危不棄義四方其平士有

追息來覲來齋以饋黍稷

唐故河東節度觀察使滎陽鄭公神道碑文

一本上無唐字

一本下無文字

河東節度使贈尚書右僕射鄭公墓在滎陽索上

祝曰今鄭

州滎陽有索水即漢高帝與項羽戰於京索者也

元和八年六月庚子

六一作三太

史尚書比部郎中護軍韓愈刻其墓碑曰司馬氏遷江

南有鄭謩者仕慕容垂國為其太子少保

韓曰謩字君明魏將作大

匠五世孫仕垂為太常少卿

其孫簡

補注謩子溫燕太子詹事生三子暕號比祖恬號中祖簡號南

祖當拓拔魏為滎陽太守後簡者號其族為南祖之鄭

入唐有為利之景谷令者曰嘉範

補注簡生李驕驕子
炳炳四世孫嘉範於

公為曾祖是生撫俗為泗之徐城令徐城生公之父曰

洪卒官涼州戶曹參軍

州一作之

公諱儋

丁談切

少依母家隴

西李氏舉止異凡兒其舅吏部侍郎李卿曰必其能再

立鄭氏

李一作李曰必其一作謂其必

稍長能自謀學明左氏春秋以

進士選為太原參軍事

樊曰大歷四年登第

對直言策

孫曰建中三年中軍

謀越衆科

拜京兆高陵尉考府之進士能第上下以實不姦

樊僕射澤以襄陽兵戰淮西公以參謀留府能任後事

孫曰興元元年正月以樊澤為山南東道節度使澤奏
僭為參軍貞元二年二月澤與淮西李希烈將杜大朝
戰破戶曹殯于涼涼地入西戎孫曰至德後河西州
縣皆為吐蕃所陷自

景谷徐城三世皆未還滎陽葵公解官舉五喪為三墓

葵索東徐城墓無表公能使幼長感心求不置

求不一
作來求

二以得舊人指告其處其後為大理丞太常博士遷起

居郎尚書司封吏部二郎中能官舉其名德宗晚節儲

將於其軍以公為河東軍司馬能以無心處嫌間

嫌間
一作

乎卒用有就

一無
卒字

貞元十六年將說死即詔授司馬節

節度河東軍

樊曰考之史說蓋李說也字巖甫馬燧節度太原辟為少尹遷汾州刺史李自良代

燧復為少尹自良卒詔授說行軍司馬節度留後尋權檢校禮部尚書節度使而巖綬傳云河東節度李說病軍司馬鄭僊總其政說卒代為節度時德宗姑息方鎮若帥死即用軍司馬代之至是擢綬為河東司馬明年僊卒即檢校工部尚書代其使除其官為工部尚書太原尹兼御史大

夫北都留守

孫曰貞元十六年十月河東節度使李說卒僊自本軍行軍司馬除檢校工部尚書

充太原尹北都留守河東節度使

公之為司馬用寬廉平正得更士心

及升大師

一作帥

持是道不變部將有因貴人求要職者

公不用用老而有功無勢而遠者削四隣之交賄省誇

嬉之大燕

作誇

一講校民事施罷不俟日用能以十月成

政氓征就寬

一作民 又一作賦

軍給以饒十七年疾廢朝夕八

月庚戌薨享年六十一天子為之不臨朝者三日贈尚

書右僕射即以其年十月辛卯葬索上疾比薨暨問交

道比葬弔贈賜使者相及凡河東之軍士與太原之吏

民及旁九郡

補注河東節度府管汾沁嵐石忻代憲凡九州

百邑之鰥寡外

夷狄之統於府者聞公之薨皆哭曰吾其如何公與賓

客朋遊

與一作為

飲酒必極醉投壺博奕窮日夜若樂而不

厭者平居簾閣據几終日不知有人別自號白雲翁名

人魁士

祝曰呂氏春秋云疾學而不能為魁士名人者未之有也

鮮不與善好樂後

進及門接引皆有恩意始娶范陽盧氏女生仁本仁約
仁載皆有文行二季舉進士皆早死仁本為後子獨存
不樂舉選年三十餘始佐河陽軍後娶趙郡李氏生三

女

三或作二

二夫人凡三男五女長女嫁遼東李繁繁亦名

臣子

韓曰繁遼東襄平人德宗宰相泌之子

有才學遺命二夫人各別為

墓不合葬系曰

士常患勢卑不能推功德及人嘗患勢貧無以奉所欲
得若鄭公者勤一生以得其位而曾不得須臾有焉雖
然觀其所既立其可知已嗚呼哀哉

魏博節度觀察使沂國公先廟碑銘

并序

朝議郎守尚書比部郎中史館修撰護軍韓

愈奉敕撰

歐陽公曰自天聖以來學者多讀韓文而患
集本舛訛惟予家本更校時人共傳號為善
本及後集錄古文得韓文之刻石如羅池黃
陵廟碑之類以校予家集本舛謬猶多若田

弘正碑則尤甚蓋由諸本不同往往妄加改
易今以碑校印本初未必誤多為校讎者妄
改易之乃知文字之傳久而轉失其真者多
矣則校讎之際決於取舍不可不謹也今各
參注于下韓曰石刻後題云朝議大夫
安定胡証書并篆額京兆府廡有此碑

元和八年十月壬子上命丞相元衡

補注元和八年三月武元衡相丞

相吉甫

補注元和六年正月李吉甫相

丞相絳

補注元和七年十二月李絳相

召太史

尚書比部郎中韓愈

補注元和八年正月公除此官

至政事堂傳詔曰

田弘正始有廟京師朕惟弘正先祖父厥心靡不嚮帝

室訖不得施乃以教付厥子惟弘正銜訓嗣事

銜或作方石本

嗣事一作事嗣

乃朝夕不怠

乃一作子又一作耐石本無乃字

以能迎天之休

顯有不功維父子繼忠厚

樊曰弘正父廷珩大厯中為滄州刺史橫海軍使恒州李

寶臣幽州朱滔聯兵攻擊欲兼其土宇庭珩固守卒能

保全朝廷嘉之遷涖州改湘州建中初田悅領魏博節

度使志圖凶逆召廷珩為副蓋悅父承嗣與廷珩為從

昆弟也及悅姦謀敗露廷珩曰爾藉伯父遺業可守朝

廷法度坐享富貴何苦與恒郾同為叛臣若狂

志不愆可先殺我乃謝病不出三年憤鬱而卒予維寵

嘉之是以命汝愈銘欽哉惟時臣愈承命悸恐明日詣

東上閤門拜疏辭謝不報退伏念昔者魯僖公能遵其

祖伯禽之烈周天子實命其史臣克

石本臣下有曰字

作為駟

駢泮閼之詩

駢古獎切
泮皮筆切

使聲于其廟以假魯靈今天子

嘉田侯能服父訓不違用康靜我國家

石本靜
作靖

蓋寵銘

之所以休寧田氏之祖考而臣適執筆隸太史奉明命

其可以辭謹按魏博節度使銀青光祿大夫檢校工部

尚書兼魏博大都督府長史御史大夫沂國公田弘正

孫曰元和七年十月以弘正為銀青光祿大夫檢校工部尚書魏州大督府長史兼御史大夫上柱國沂國公

充魏博等州節度觀察處置
支度營田等使弘正字安道

北平盧龍人

一有也字

故為魏

博諸將

孫曰弘正始名興季安時為衙內兵馬使○石本博作州它本作沂

忠孝畏慎田

季安卒

孫曰季安高祖璟平州人官都水使者璟二子守義延憚延憚安東都護府司馬守義二子承

嗣廷琳承嗣子緒緒子季安季安子懷諫廷琳子悅延憚子廷玠元和七年八月季安卒其子幼弱

用故事代父人吏不附迎弘正於其家使領軍事

樊曰季安

卒懷諫自知軍務時年十一以弘正為都知兵馬使懷諫幼弱軍政皆決於家僮蔣士則數以愛憎移易諸將諸將憤怒咸曰兵馬使吾帥也弘正籍其軍之衆與六即詣其家迎之弘正拒之不可

州之人還之朝廷悉除河北故事比諸州

樊曰弘正度不免即令於

軍曰能聽命否皆曰唯公命因曰吾欲守天子法舉六州版籍請吏于朝苟天子未命敢有請吾旗節者死殺人及掠人者死皆曰諾遂到府殺士則圖魏博相具衛澶之地籍其人以獻不敢署僚屬以待王官十月監軍

以聞憲宗嘉之詔檢校工部尚書充節度使○石本州作軍

故得用為帥已而復贈

其父故滄州刺史兵部尚書母夫人鄭氏梁國太夫人

得立廟祭三代曾祖都水使者府君祭初室祖安東司

馬贈襄州刺史府君祭二室兵部府君祭東室其銘曰

唐繼古帝海外受制洽于太寧

石本作洽

燕盜以驚羣黨

相維河北失平號登元和大聖戴營風揮日舒咸順指

令業業魏土

祝曰業業山高也選狀
鬼我以岌業○業音業

嬰兒戲兵

補注嬰
兒謂懷

諫

吏戍愁毒莫保腰領

石本作頸

人曰田侯其德可倚叫譟

奔趨乘門請起田侯攝事奉我王明

石本作天明東縛

弓戈考校度程堤壇籍戶

祝曰壇界也與疆同史記出壇乃免○石本堤作堤來

復邦經帝欽良臣曰維錫予嗟我六州始復故初告慶

宗廟

石本內作于宗

降以命書

石本降以作以降

旌節有韜豹尾神旗

橐甕戟纛以長魏師田侯稽首臣愚不肖迨茲有成祖

考之教帝曰俞哉維汝忠孝予思乃父作秩夏卿

孫曰詔贈

其父兵部侍郎媿德娠賢梁國是榮

祝曰媿配也言梁國配兵部之德娠孕也左氏后

方娠娠賢謂生田弘正也○媿匹詣切娠之及切又音身

田侯作廟相方視址見于

著龜祖考咸喜暨暨田侯

祝曰暨暨果毅也禮戎容暨暨○暨音忌

兩有文

武訖其外庸可作丞輔

孫曰訖其外庸謂外庸之訖則當入為輔相○石本丞一作承

洛汝田侯勿亟勿遲覲嚮式時

石本嚮作饗

爾祖之思

石本爾祖

作祖考宅本之字作爾

五百家注昌黎文集卷二十六

欽定四庫全書

五百家注昌黎文集卷二十七

宋 魏仲舉 編

碑銘

唐故檢校尚書左僕射兼御史大夫龍武統軍

贈潞州大都督彭城劉公墓碑

韓曰公嘗誌統軍劉昌裔墓矣今又銘其碑○一本作唐故右龍武統軍劉公墓碑銘今本止作劉統軍墓碑

唐故陳許節度使金紫光祿大夫檢校尚書左僕射兼

御史大夫右龍武統軍彭城郡開國公食邑二千戶贈

潞州大都督劉公諱昌裔字光後薨既葬

樊曰元和八年十一月昌

裔卒九年九月葬河南

將反機於京師

機一作非

舍于墓次故吏文

武士門人送客訖事會哭將退咸顧戀牽連一口言曰

自我公薨至葬凡所以較德悼勤者

悼明也之藥切○一作悼一作卓

莫不粗完隱卒崇終有都督之詔

韓曰昌裔卒有詔贈潞州大都督 日

事時功以著不可以誣有太史之狀有太常之狀有諡

補注昌裔諡威公

有誅有幽堂之銘

補注即公所撰昌裔墓碑

又如即外碑

刻文以顯詩之其於傳無已豈不益可保於是相許諾

以告其孤縱

孫曰昌裔四子縱其長也

縱哭舍杖拜曰縱不敢違則

相與刻銘文曰

劉處彭城本自楚元

樊曰漢高帝季弟楚元王交之後

陽曲之別由公

祖遷

樊曰昌裔曾祖承慶為朔州刺史祖巨敖為太原晉陽令樂其土俗遂占籍太原之陽曲曰自我為

此邑人可也何必彭城

公曾祖考為朔州守祖令太原仍世北邊

樂其高寒棄楚不還逮於公身三世晉人公生而異魁

顏鉅鼻幼如舒退少長好事西戎乘勢盜有河外公雖

家居為國暗噫

上於金切
下為界切

來告邊師可破之計

孫曰昌
裔既壯

自試以開吐蕃
說于邊將不用

楊琳為橫巴蜀靡彫公由游寄單船諭

招折其尾毒不得動搖琳後來降公不有功終琳之已

還卧民里

孫曰昌裔說邊將不售去入三蜀楊琳之亂
蜀人苦之昌裔單船往說琳大歷四年二月

琳遣使詣闕謝罪以琳為峽州團練
使以昌裔為從事後琳死客河朔間

蓋古有云人職其

憂無事於職而與國謀德宗之始為曲環起奮筆為檄

強寇氣死

樊曰建中初曲環為邠隴兩軍都知兵馬使
其收濮州也辟昌裔為判官為環檄李納剋

曉大義環上其
藁德宗異之

決敗算成效於屈指環有許師公遂佐

之

孫曰貞元二年七月環自邠隴行營節度拜陳許節度使昌裔從府還

蘇民戰敵

戰一作軌

多出公畫累拜郎中進兼中丞

韓曰昌裔在府以前後功勞累遷檢校兵部郎

中御史中丞

雖在陪貳天子所憑蔡卒幸喪圍我許鄆新師

不牢劄勦將遁

集注勦勦急走貌又遽也○勦曲羊切勦如羊切

公為陳力應

變為械與之上下寇無所賴

曾子開云疑脫一句

遂至遁敗

孫曰貞元

十五年八月環卒淮西吳少誠遣兵掠臨潁陳州刺史上官說知陳許留後遣大將王令忠將兵救之皆為少誠所虜丙午以說為陳許節度使少誠遂圍許州說欲棄城走昌裔時為營田副使止之曰城中兵足以辦賊但閉城勿戰賊氣自衰吾以全制其敵茂不克矣少誠晝夜急攻昌裔募勇士千人鑿城出擊大破之城由是

全以功遷陳實許之半

韓曰許州團解昌裔以功拜陳州刺史

聲駕元侯

以勢自憚

孫曰貞元十六年七月少誠進擊蔡州行營招討使韓全義敗于激水與諸道兵皆走保

陳州求舍昌裔登城謂曰天子命公討蔡州何為來陳且賊不敢至我城下君其舍外無恐明日從十餘騎持牛酒抵全義營勞軍全義不自意迎拜歎服

復入居許為軍司馬

孫曰貞元十八年以

昌裔為陳許行軍司馬

脫權下威士心益歸卒嗣環職

孫曰貞元十九年六

月說卒以昌裔檢校工部尚書兼許州刺史充陳許節度使

棄惡從德乃與蔡通塗

其榛棘

祝曰昌裔命境上吏不得犯蔡人少誠更有來犯者捕得縛送使自治之少誠慚其軍亦禁竟

上暴許者稚耄嬉遨連手歌謳上無可怨外無與讎既長事

官

孫曰事合作士士官工部謂為工部尚書

浚之大夫

孫曰浚猶遷也謂拜金紫光祿大夫○浚

一作峻

其償未塞

償一作賞

僕射已都

孫曰封彭城郡公再加檢校尚書右僕射

及

癸巳歲秋涌水出流過其部破民廬室

孫曰元和八年五月許州大水

壞廬舍漂溺居人六月徵昌裔還京師

公即疏言此皆臣慙

慙與慙同

防斷不

補漬民於泉臣耄且疾宜即大罰上曰蓄害大臣其來

允余之思其可止哉驛隸走呼有中使來公迎于驛遂

行不迴六月隆熱上下敵艸

祝曰艸大赤楚詞北有寒山卓龍艸只注艸赤色○

艸許極切敵一作歇

公鞭公驅去馬以輿公病日惡不能造闕仆

卧在宅

祝曰始憲宗惡昌喬自立欲召之宰相李吉甫曰陛下乘人愁苦可召也六月以東都留守韓

阜代之詔昌喬還京師至長樂驛知帝意因請歸私第許之稱風眩

閔有加錫

加一作嘉命為

統軍龍武之右兼官左相百僚長首

祝曰昌喬至天子以為恭即其家拜

檢校尚書左僕射兼右龍武統軍知軍事

冬十一月日將南至公遂薨徂年

六十二奏聞怛悼俾官臨弔悲不聽朝贈督潞州

孫曰元和

八年昌喬卒上罷朝一日贈官

存歿資之於數為優明年九月東葬金

谷

補注金谷在洛陽

公往有命匪後人卜

衡州徐偃王廟碑

洪曰徐偃王事見史記後漢書博物志元
姓纂然後漢書云楚文王滅之楚詞亦云荆
文寤而徐亡按周穆王時無楚文王春秋時
無徐偃王予嘗辨於楚詞補注中韓曰石刻
云朝議郎守尚書考功郎中知制誥昌黎韓
愈撰福州刺史元錫書元和十年十二月九
日立

徐與秦俱出伯翳為嬴姓

韓曰按唐世系表云徐氏出自嬴姓皋陶生伯益伯益生

若木夏后氏封之於徐其地下邳僮縣是也伯益豈公
所謂伯翳耶孫曰史記秦本紀大業之子曰大費是為
伯翳舜賜姓嬴氏伯翳二子大廉之後為秦若國於夏
木之後為徐是為俱出伯翳也○嬴余輕切

殷周世咸有大功

孫曰秦本紀又曰大廉玄孫孟戲中
行殷帝大戊以為御而妻之自太戊

以下中行世遂世有功以佐殷國故嬴姓多顯遂為諸侯若木玄孫費昌當夏桀之時去夏歸商為殷御以

敗桀於鳴條孫曰中行曾孫曰戎秦處西偏專用武勝胥軒軒生仲滴滴生

是有大功也飛廉廉生惡來來生女防防生旁皐皐生大凡凡生大

駱駱生非子周孝王以為附庸邑之於秦是為處西偏也西偏迫近戎遭世衰無明天子遂虎吞諸國為雄注補

秋故專用武勝謂吞滅六國也諸國既皆入秦國一作侯為臣屬秦無所取國一作侯

利上下相賊害卒債其國而沈其宗祝曰債猶亡也爾

一債一起沈其宗謂滅其雅云債債也莊子徐處得地中補注徐故國文

族○債方運切又甫運切今彭城是也德為治及偃王誕當國益除去刑爭末事凡所以君國

子民待四方一出於仁義

韓曰若木至偃王三十二世
樊曰張華博物志云徐君宮

人孕而生卵以爲不詳棄之獨孤母以爲異覆
暖之遂成兒長而仁智襲君徐國仁義著聞

當此之

時周天子穆王無道意不在天下

孫曰穆王名滿昭十
二年左氏云穆王欲

肆其心周行天下將

好道士說得八龍騎之西遊

祝曰
八龍

皆必有車轍馬跡焉
八駿也列子曰周穆王駕八駿之東西征崑崙
八駿驊騮綠耳赤冀白羲渠黃踰輪盜驪山子

同王母

宴于瑤池之上

石本無
宴字

歌謳忘歸

孫曰穆天子傳云穆
王見西王母觴于瑤

池之上母爲天子謠曰白雲在天山陵自出道理悠遠

山川間之將子無死尚能一來天子答曰予歸東土和

理諸夏萬民均平吾願見

四方諸侯之爭辯者無所質

汝比及三年將復而野

正咸賓于徐贄玉帛死生之物

程曰贄執以為贄也書曰五玉三帛二生一死

贄于徐之庭者三十六國得朱弓赤矢之瑞

樊曰博物志云偃王

既治其國仁義著聞欲舟行上國乃通溝陳蔡之間得朱弓赤矢以為得天瑞遂因名為弓自稱偃王江淮諸

侯服從者三十六國

○朱弓一作象犀 穆王聞之恐遂稱受命命造父御

孫曰造父穆王御蜚廉玄

長驅而歸

樊曰史記秦本紀造父以善御幸于

孫也○造父到切父音甫

周穆王得驥溫驪驂騑綠耳之駟

西巡狩樂而忘歸徐

偃王作亂造父為穆王御長驅歸周救亂趙世家云造

父取驥之東匹與桃林盜驪驂騑耳獻之穆王王使

造父却四巡狩見西王母樂而忘歸而徐偃王反穆王

日馳千里馬攻之與楚連謀伐徐

徐偃王大破之與楚連謀伐徐之穆王所與連謀伐徐

者殆楚徐不忍闔其民北走彭城武原山下百姓隨而

從之萬有餘家

樊曰穆王聞徐得朱弓赤矢之瑞遣使乘駟一月至楚使楚伐之偃王不忍闔

其民為楚所敗走彭城武原偃王死民號其山為徐山

鑿石為室以祠偃王

樊曰博物志云偃王死後遂名其山曰徐山山上立石室以祠偃

王雖走失國

石本作失其國

民戴其嗣為君如初

祝曰偃王既死周復封其

子宗為徐子春秋時預諸侯盟

鉤王

孫曰禮記曰邾婁考公之喪徐君使容居來弔舍曰先君鉤王西討

鉤王徐之先也章禹

樊曰昭三十二年左氏吳滅徐徐子章禹斷其髮以奔楚章禹宗十一世孫

祖

孫相望自秦至今

秦一作秦

名公巨人繼迹史書徐氏十望

其九皆本於偃王

孫曰言其一望非偃王之後也

而秦後迄茲無聞家

天於伯翳之緒非偏有厚薄施仁與暴之報自然異也

衢州故會稽太末也

孫曰太末春秋時姑蔑也至漢改馬唐號曰龍丘祝曰越絕書姑末

今太末後漢吳有龍丘菴者隱居太末

○太音聞

民多姓徐氏支縣龍丘有偃

王遺廟或曰偃王之逃戰不之彭城之越城之隅棄王

几研于會稽之水

祝曰選錄苔鬚夢手研上南越志生研石土注研與硯同

或曰徐

子章禹既執於吳徐之宗

石本宗作公字

族弟子散之徐揚二

州間即其居立先王廟云開元初徐姓二人

孫曰徐堅字元固徐

巨山

相屬為刺史帥其部之同姓改作廟屋載事于碑

後九十年當元和九年而徐氏放復為刺史放字達夫

前碑所謂今戶部侍郎其大父也春行視農至于龍丘

有事于廟思惟本原曰故制楠樸下窄

石本楠作楠
楠倉胡切

不

足以揭虔妥靈

祝曰妥安也
音羯又桀羯二音

而又梁楠赤白

韓曰赤白

畫繪之色
楠一作楠

○彫剥不治

祝曰選期不飽
彫彫壞落也
○彫池耳切又徒可切

圖像

之威黜昧就滅

祝曰黜玉篇云
深黑也許既切

藩拔級夷

補注級層
級夷平也

庭

木禿缺

石本
作缺

祈眊日慢

石本
作由

祥慶弗下州之支郡

一作

羣黎一作羣吏
石本作羣吏

不獲廕庥余惟遺紹而尸其土不即不

圖以有資聚罰其可辭乃命因故為新衆工齊事惟月

若日工告訖功大祠于廟宗御咸序應

石本御作卿

是歲州

無怪風劇雨民不天厲穀果完實民皆曰耿耿祉哉

補注

耿耿明貌一無祉
字一無耿耿二字

其不可誣乃相與請辭京師歸而鏡

之于石辭曰

秦傑以顛

祝曰傑謂雄傑也顛覆也

徐由遜綿

祝曰遜謂柔順也一作遜非

秦鬼

久飢徐有廟存婉婉偃王

補注婉順也於阮切

惟道之耽以國易

仁為笑于頑自初擅命其實幾姓厯短言長

石本言作嘗

有

不償亡課其利害孰與王當

石本與作嘗別本作為

姑蔑之墟

樊曰

今衢州有姑蔑城左傳哀公十三年越伐吳王孫彌庸自泓上觀之見姑蔑之旗曰吾父之旗也杜預注姑蔑

越地

太末之里誰思王恩立廟以祀王之聞孫

一作後孫

世世

多有

世世一作世乃

唯臨茲邦廟土實守堅嶠之後達夫廓之

王沒萬年如始祔時

補注祔合葬也

王孫多孝世奉王廟達夫

之來先慎詔教盡惠廟民不主於神維是達夫知孝之

元太末之里姑蔑之城廟事時修仁孝振聲宜寵其人

以及後生嗟嗟維王誰死誰元

元猶拒也協韻苦郎王切○石本死作古

死於仁彼以常喪

常一作暴

文追作誄刻示茫茫

石本示作石

袁氏先廟碑

韓曰袁滋履歷並詳本傳碑持舉其概耳

袁公滋既成廟明歲二月

歲一作年

自荆南以旌節朝京師

孫曰滋字德深蔡州郎山人陳侍中慮之後建中初黜陟使趙贊薦於朝起處士授試校書郎元和九年九月除荆南節度使十年立廟于京師十一年二月自荆南來朝○旌一作旗

留六日得壬子春

分

孫曰元和十一年二月二十六日壬子春分

率宗親子屬用少牢于三室

補注少牢羊豕三
室自曾孫以下也

既事退言曰嗚呼遠哉維世傳德襲

訓集余乃今有濟今祭既不薦金石音聲使工歌詩載

烈象容

祝曰為之歌詩所以
載其功烈象其形容

其奚以飭稚昧於長久唯

敬繫羊豕幸有石

孫曰即所謂麗牲之碑祭義云祭之
之日君牽牲入廟門麗于碑麗繫也

如具著先人名跡

著一作者

因為詩繫之語下於義其可雖

然余不敢必屬篤古而達於辭者遂以命愈愈謝非其

人不獲命則謹條表氏本所以出與其世系里居起周

歷漢魏晉拓拔魏周隋入國家已來高曾祖考所以勛

欽定四庫全書

卷二十七

躬幬後

孫曰幬謂覆幬其後人

委社于公公之所以逢將承應者

有概有詳而綴以詩曰

一本作其語曰一本作其詞曰

周封舜後為陳

孫曰襄二十五年左氏虞過父為周陶正武王庸以元女大姬配胡公而封諸陳○封一作樹

陳公子

有為大夫食國之地表卿者其子孫世守不失因自別

為袁氏

孫曰胡公生申公犀侯犀侯生靜伯庚伯庚生季子撝撝生仲牛甫甫生聖伯順順生伯他父

他父生戴伯戴伯生鄭叔叔生仲爾金甫金甫生莊伯莊伯生諸諸字伯表諸孫濤塗以王父字為氏賜邑

陽夏謚為宣仲

春秋世陳嘗壓於楚與中國相加九疏

加一作如袁

氏猶班班可見於譜

孫曰宣仲生選選生申子突

嘗居

陽夏

祝曰陳陽夏漢世淮陽國前漢發兵拒之陽夏注今亳州○夏音賈

陽夏至晉屬陳

郡

補注晉時陽夏屬梁國

故號陳郡袁氏博士固申儒過黃

樊曰漢儒

韓固齊人竇太后好老子書召問固固曰此家人言矣太后怒曰安得司空城旦書乎韓曰韓固以治詩孝景時為博士與黃生爭論景帝前黃生曰湯武非受命乃弑固曰不然夫桀紂虐亂天下之心皆歸湯武湯武不

得已而立非受命為何

唱業於前至司徒安懷德於身

樊曰安字邵公後漢

時人仕終司徒

袁氏遂大顯連世有人終漢連魏晉

舊本終分作紛

仕南北始居華陰為拓拔魏鴻臚鴻臚諱恭生周梁州

刺史新縣孝侯諱頻

新縣一作新安縣頻一作顗

孝侯生隋左衛大

將軍諱溫

溫字君恪

去官居華陰武德九年以大韋薨始葬

華州左衛生南州刺史諱士政南州生當陽令諱倫於

公為曾祖當陽生朝散大夫石州司馬諱知玄司馬生

贈工部尚書咸寧令諱曄是為皇考袁氏舊族而當陽

以通經為儒位止縣令石州用春秋持身治事為州司

馬以終咸寧備學而貫以一文武隨用謀行功從出入

有立不爵于朝比三世宜達而室歸成後人數當于公

公唯曾大父皇考比三世

比一作妣

存不大夫食歿祭在子

孫唯將相能致備物世彌遠禮則益不及在慎德行業

治圖功載名以待上可

一作下

無細大無敢不敬畏無蚤

夜無敢不思成于家進于外以立于朝自侍御史歷工

部員外郎祠部郎中諫議大夫尚書右丞華州刺史

孫曰

貞元十六年二月自

尚書右丞出刺華州金吾大將軍

樊曰貞元二十一年三月徵拜以楊於陵

代為華州滋行耆老遮道不得去於陵使諭曰吾不敢易表公政人皆羅拜乃得行

由卑而鉅莫不

官稱遂為宰相

孫曰永貞元年七月同平章事

以贊辯章

孫曰辯章便章也史記曰

便章百姓即平章耳仍持節將蜀滑襄荆

孫曰永貞元年十月以滋為西川節度使元和

元年十月徙義成軍節度八年正月自戶部尚書出為
山南東道節度九年九月徙荆南節度蜀謂西川滑謂
義成襄謂山南
東道荆謂荆南
畧苞河山秩登祿富以有廟祀具如其

志又垂顯刻

垂一作誰
刻一作烈

以教無忘可謂大孝詩曰

表自陳分初尚蹇連

一作連

越秦造漢博士發論

博士

司

徒任德忍不錮人

樊曰漢明帝時安為河南尹未嘗以
賊罪鞠人嘗曰凡學仕者高則望宰

相下則希牧守錮人
於聖世所不忍為

收功厥後五公重尊

孫曰安章帝
時為司徒二

子京敞京子揚字仲河桓帝時大尉湯子逢字周陽靈
帝時司空逢弟隗字次陽獻帝時太傅京弟敞字叔平
安帝時司空凡
四世三公焉
晉氏于南來處華下鴻臚孝侯

補注鴻
臚恭孝

侯頻

用適操捨南州勤治取最不懈

韓曰南州刺史士政也最治行尤異也○

最子外切

當陽耽經唯義之畏石州烈烈學專春秋懿哉咸

寧不名一休趨難避成與時泛浮是生孝子天子之宰

出把將符

把一作持

羣州承楷

羣一作郡

數以立廟

數一作教

祿以備

器由曾及考同堂異置栢板松楹其筵肆肆

筵一作業或作章

維表之廟孝孫之為順勢即宜

補注勢為面勢

以諏以龜以平

其戲屋牆持持孝孫來享來拜廟庭陟堂進室親登籩

鉶

一作鉶同音刑

肩臑肱

集注肱臂節也禮記其禮太牢則以牛左肩臂臑折九介儀禮臂臑

肥髀胎骨也儀禮兩胎脊肺設扁竊髀禽獸骨也四者皆所薦之羞○臠奴報切又女朱切胎音粕髀音格

其樽玄清

補注謂玄酒清酒

降登受胙于慶爾成維曾維祖維

考之施于汝孝嗣以報以祗凡我有今非本曷思刻詩繫牲維以告之

唐故清河郡公房公墓碣銘

樊曰房啟之死及葬誌皆不載年月日啟以貞元末為客管帥在客九年遷桂管坐中使事貶虔州死元和十年也

公諱啟字某河南人其大王父融王父瑄仍父子為宰

相融相天后

孫曰武后長安四年十月以懷州長史

事

遠不大傳琯相玄宗肅宗處艱難中與道進退薨贈太

尉流聲于茲父乘

孫曰琯三子宗偃御史中丞次秉幼孺復容州刺史

仕至祕書

少監贈太子詹事公胚胎前光

韓曰胚孕婦一月胎孕婦三月前光謂前人之

光○胚普回切胎他來切

生長食息不離典訓之內耳濡目染不學

以能始為鳳翔府參軍尚少人吏迎

一有觀字

望見咸曰真

房太尉家子孫也不敢弄以事轉同州澄城丞益自飾

理

一作治

同官憚服衛晏使嶺南黜陟

樊曰建中元年二月遣黜陟使洪經

論柳冕衛晏等一十八人
分行天下晏使嶺南

求佐得公擢摘良姦

樊曰謂良者擢之姦

者發摘之

○摘音邀
南土大喜還遷昭應主簿裴胄領湖南表公

為佐

孫曰貞元三年閏五月以國子司業裴胄為湖南觀察使胄字允叔河東聞喜人

拜監察

御史部無遺事胄遷江西

孫曰貞元七年正月遷江西

又以節鎮江

陵

孫曰八年二月遷荆南

公一隨遷佐胄

一作為佐

累功進至刑部員

外郎賜五品服副胄使事為上介上聞其名徵拜虞部

員外

一有郎字

在省籍籍遷萬年令果辯傲絕

祝曰傲行險也古亮切與

同僥

貞元末王叔文用事材公之為舉以為容州經畧使

樊曰貞元二十一年五月以啟為容州刺史兼御史中丞容管經畧使初啟素附王叔文叔文用事除容管約至荆南授之脫不得荆南即與湖南啟至荆南宿留不進久之方行至湖南又久之會叔文與韋執誼爭權不果拜七月太子監

拜御史中丞服佩視三品管有嶺外

國啟皇恐就鎮

十三州之地

補注容管所隸容辨白牢欽巖禺湯濠古等州

林蠻洞蜒

祝曰蜒當作蜃

○南方夷也

守條死要

樊曰要約誓也音邀

不相漁叔稅節賦時公

私有餘削衣貶食不立資遺以班親舊為友為義在容

九年遷領桂州

韓曰元和八年四月以啟為桂管觀察使

封清河郡公食邑

三千戶中人使授命書應待失禮客主違言徵貳太僕

樊曰啟除桂州州邸賂吏部主者私得官告飛驛以授
啟既而憲宗自遣中使持詔賜啟啟畏使者邀重賂即
曰先五日已得詔使者給請視因未至貶虔州長史而
待之歸以聞七月貶啟太僕少卿

坐使者

樊曰啟自陳獻使者南口十五帝怒殺中使啟
未至京師貶虔州長史始詔五管福建黔中道

不得以口饋遺罷臘口等使孫曰九月戊午中官李建
章坐受啟賂杖一百處死癸未貶啟虔州長史啟先賂
建章口十五人既怨其發官告事以疾卒官年五十九
乃具上言帝既殺建章并黜啟

其子越能輯父事無失謹謹致孝既葬碣墓請銘銘曰

房氏二相厥家以聞條葉被澤況公其孫公初為吏亦

以門庇佐使于南

補注謂佐衛晏

乃始已致既辦萬年

辦一作命

屏容服功緒卓殊氓獠循業

獠張紋切

惟不順遂

補注不順中使也

失署亡資非君之怨

君一作公

銘以著之

唐故銀青光祿大夫檢校左散騎常侍兼右金

吾衛大將軍贈工部尚書太原郡公神道碑文

并序

公諱用字師柔太原人

孫曰其先太原人後徙沂州

莊憲皇太后之

弟

韓曰順宗后弟

今天子之舅

樊曰憲宗舅

太師之子

孫曰用父曰子顏生順宗

后后生憲宗憲宗元和元年贈太師

太尉之孫

孫曰用祖曰難得元和元年贈太尉

司徒之

曾孫

孫曰用曾祖曰思敬
元和元年贈司徒

元和元年上朝太后南宮大

褒外氏自外高祖王父而下至外王父咸冊登公師事

載之史

孫曰元和元年五月憲宗朝太后於
南宮尊太后為皇太后大褒外氏

皇太后昆

弟惟公一人

樊曰子顏二子重榮
官至王傅次即用也

於是特拜

特一

銀青

光祿大夫太子少詹事未三月因遷大詹事賜勲上柱

國爵封郡公國于太原益掌廐苑之事公起外戚子弟

秩卑年少歲餘超居上班官尊職大朝夕兩宮而能敬

讓以敏持以禮法不挾不矜賓接士大夫高下中度興

官嗜事

興一作與
嗜一作者

滋久愈謹由是朝廷推賢所處號治

轉少府監太子賓客別職如初遷左散騎常侍兼右金

吾大將軍皆以選進不專為恩

為于偏切專
下一有於字

十一年秋

將以八月葬莊憲太后

孫曰元和十一年三月
太后崩八月葬豐陵

前一月

壬申

補注七月
初八日

以疾告薨春秋四十有七上罷朝二日

為位以哭贈工部尚書十一月壬申葬于萬年縣落女

原夫人河南胡氏號太原郡夫人有子六人

孫曰其
長曰沼

女

子一人葬得日公之姉婿京兆尹李脩

洪曰脩字當作
脩孫曰脩子顏

之婿起自微賤由太后得進元和十年十月
為京兆尹十一年十一月帥浙西見新傳 謂太子右

庶子韓愈曰

孫曰元和十一年五月公為太子右庶子

子以文常銘賢公卿

常一章 今不可以辭應曰諾而為銘曰

有嬌氏國實出炎軒

樊曰按史記軒轅黃帝娶西陵之女曰嫫祖為黃帝正妃生二子曰

元器曰昌意元器生嬌嫫孫曰晉語云少典娶于有嬌氏生黃帝炎帝有嬌古之諸侯也○嬌音喬又音嬌

蜀塗莘摯

祝曰史記黃帝之子昌意娶蜀山氏之女生高陽有聖德立為帝是為顓帝禹者皇帝之

玄孫顓帝之孫也娶塗山氏之女生啟禹卒啟立天下不歸益而歸啟故書曰娶于塗山季歷娶太任有賢德益摯國任氏之中女故詩曰摯仲氏任自彼殷商來嫁于周曰嬪于京乃及王季維德之行王季卒子昌立是

為西伯西伯曰文王娶莘國之長女曰太姒亦有賢德
能繼太任之女事於莘國故詩曰有命自天命此文王
子周于京鑽女維莘長子維行篤生武王保佑命爾變
伐大商孫曰列女傳云湯妃有莘氏之女生仲壬外丙
又云太任文王之母摯任氏之中女
王季娶以為妃○摯音至莘一作華非
正妃之門孰豐其

川不羨其源王氏周胄

孫曰王氏周靈王太子晉之後

官封相繼

一作繼

實生聖女以母唐帝公惟后季

孫曰用太

天子吾甥卑

躬慎德不與寵橫方年未老后哀猶新如何不惠而殞

其身刻文茲石久載攸存

祝曰久載謂永久也○存一作行

欽定四庫全書

五百家注昌黎文集

卷二十七

十八

五百家注昌黎文集卷二十七